

詩

通

詩通小雅卷二

海虞陸化熙羽明甫雜識男

休徵  
明徵  
編錄

鹿鳴○序曰鹿鳴燕羣臣嘉賓也既飲食之又賓幣  
帛筮簋以將其厚意然後忠臣嘉賓得盡其  
心矣

此是將自己設燕本意說與賓客之詞。又意括在人之好  
我二句中。蓋設席求教。迄今猶沿之。故應以此為主。若平

平看此詩。則首章先言在禮而望賓以忠告。次章先言賓之可法而後及燕會。末章只傳述已之所以樂賓。語意參差。五相關照。總見其為親賢受善不拘形迹如此。却未嘗節。將示教叮嚀。蓋一經提醒。不須更說矣。說者多謂應重一好字。不知必待樂幣而後好。既非忠愛本懷。欲其好我而始與之邀邀杯酒。平時上下之交亦安在哉。凡人所示多是愛人之言。所以先說好我以引起示戒耳。瑟堂上之樂。笙堂下之樂。鼓瑟對吹。笙言鼓簫帶在吹。笙內承笙是將。兼醉幣作幣。即行于鼓樂時者。末二句是冀望之詞。周行。渾。上說。

德音二句。總是稱賓之賢。德音。指平日之令聞。德。只在  
淳厚一邊。視民不恤。是德音足以如此。非已化而反之。乃  
維持于未施也。君子。泛指在位言。則效以德音為主。而帶  
民在內。上云乞言。此則并及憲老矣。教游有從容和順之  
意。不在式燕外。獨言酒者。樂幣在其中。

鼓瑟吹笙。正是飲旨酒時事。和樂且湛。緊承說。重在湛字。  
安樂其心最重。盛世所以地天交泰。堂簾不隔而絕無忌  
諱者。正為君心與臣心合而為一耳。上章式燕以款。便會  
此意。而特于章末點破。似與好我相應。實非待心先安樂  
而始好也。

四牡

通詩俱是主人代言。須會使臣口氣。非如北山感慨不平之例。全詩不遑將三字自首至尾。皆四顧騶駟兩章。五事却將來作個話頭。不甚重前二章懷歸。泛泛以遠離父母言。末章之情歸。則緊頂不遑將父母說。監亦監也。出河東解池。引池水灌畦。自結成者。不經久而易收。故到不堅固為監。王事是宣上德達下情之事。傷悲兩字。渾含情。

古者席地跪而後起。跪而後坐。居則坐也。啓處且不遑。則空有懷矣。

四駉駉上、只叙出使事以起下文、非是欺使事不已、作歌來、終不是欲君令我速歸就養、亦非是欲君存恤其家、只是欲知我叩命遠臣、有如許悲惋哀曲耳、要知此是勞詩、作歌就使單淺言、

按周禮、大小行人之職、有五物以和諸侯之好、有六物以周知天下之故、

疏義曰、皇華遣使風以義、四牡勞使憫其情、是以出則盡職、歸則忘勞也、

### 皇華

通篇重每懷靡及、句總之下四章意思俱括于首一章中、

看每章我馬一句。即是馳。二字。光景。詠不已而謀。度不  
已而詢。詠謀度。詢又必要周。又各蒙我馳。我驅說。宛然是。  
個每懷靡及。吾謂廣詢博訪。可以補其不及。即每懷及矣。  
○傳曰。忠臣奉使。能光君命。無遠無近。如花不以高下易  
其色。最有味。依朱註。只是以華之隨地。皆有興心之所懷。  
皆然。馳。與皇。相應。雖泛言征夫。實重使臣。王者君臨  
萬國。所遣必非一使。則衆多並行。特同時出使之臣耳。宣  
德達情。原是一意。須融會說。靡及者。恐未及宣。未及達也。  
此在馳。上接事之時。念之不置。故曰每懷。  
我馬四章。四平看。各截馳句。有奔走急疾之意。周字最重。

是無厭不問。無人不問。無事不問也。詠謀變詢。正此古使  
臣問耆老。求遺逸。恤孤寡。舉廢陞本職。宣德達情。正在此  
內。詠有聚議意。謀有計畫意。度有酌量意。詢有寬問意。  
國語叔孫穆子對晉行人曰。君教使臣曰。詠謀度詢。必諮  
于周。敢不拜教。臣聞懷和為福。懷才為祿。答事為謀。答義  
為度。答親為詢。忠信為周。君既使臣以禮。重之以六德。敢  
不重拜。左傳訪問于善為咨。咨事為詠。咨難為謀。咨禮為  
度。咨親為詢。其文稍異。

常棣

通篇以莫如兄弟為主。二三四章意每加切。乃發明莫如



之意以為人家兄弟多在安樂時視為累不相關。故末三  
章極言安樂之必須兄弟。寃圖而字正示人重兄弟的關  
鍵。一寃圖便見九今之人莫如兄弟了。

笑曰。承花者曰鄂。不當作柑。鄂是也。棠棣之花。一柑生  
二華。兩子相親。鄂是得華之光明。則韓子然盛言為與者  
亦取兄弟同生之義也。註外見無據。莫如兄弟。渾含下七  
節意只平。以情親義重言而語氣已不脹感嘆。

死喪之變。猶曰在內。到積尸相求。其喪尤慘。懷者具衣衾。  
飭棺槨之類。求則求于積尸之中。不忍其暴露也。感字可  
味。他人且畏惡死喪。其不肯求積尸可知矣。懷字情上見。

力、求字、力上見情、

箋云、春、金、水、爲、而今、在、原、失、其、常、處、則、飛、則、鳴、以、求、其、類、  
天性也。猶兄弟之于急難、急是急人之急、即是相救、而平  
平相救、不足以盡之言、良朋則非、淺交曰永、嘆亦非無情、  
但力不能相及耳、

閔牆樂侮、是人欲昏迷之時、而天理猶不容滅者、閔牆良  
朋、正相對看、○急難較死喪已淺、樂侮較急難尤淺、然事  
雖一步淺一步、而兄弟之義、則一節切一節矣、

五章是上下過文、不如二字、正與莫如二字相呼應、又以  
起下、而完圈意、喪平則無死喪哀尸之事、亂平則無急難

樂侮之事。亦是該言平安時。人心易迷。如此。非於前面處亂。一經過。而後就安寧也。

債爾二句。室家聚會之樂也。通一家言。具字當以無故而成。在立說。孺不離和樂。而自有一段真情。纏綿不舍之意。妻子好合。此就平日說。翁者相好。而無相尤也。照他人具而兄弟不具。妻子翁而兄弟不翁。看其孺與湛自見。

兄弟具而樂之。真是兄弟宜室家也。兄弟翁而樂之。又是兄弟樂妻孥也。究圖不必推深。只平心虛氣看。室家真希。間有兄弟與無兄弟何如耳。結句。猛將世人提醒。

通篇以求、友、生、作、主、王者下交于臣而下一求字。不止自  
忌勢分無欲令人忌凡之勢分。非專藉燕飲。而自謂惟燕  
飲可以將之。則自不得不鄭重綢繆。顧之而速。之必來。  
常慮欲。慮德。而有無時節。俱不暇論矣。下而章終完得一  
求字。

首章首句只興止第二句箋云。嚶。上。西鳥聲也。伐木非一  
人鳥鳴亦相應。故以為興。聽字。即鑒字義。照本文看神之  
聽之二句只是人心和平通于鬼神。終無怨悵而已。文家  
故饒法。不得不說到泰交成治上。

次章興至末。以伐木盡其力興。寫盡其情也。醕酒五句。

對下六句看。醴酒肥腍。兩掃陳羞。是互文。逮字。只顧其登臨之意。寧通不來。是常望他來意。微我弗碩。言無使我不能念朋友也。微我有私言。無使我于朋友有疏薄之欲也。不是使朋友不得責我。

傳曰。天子八簋。夏曰。案然已灑掃矣。陳其黍稷矣。謂易食禮。

三章與止四句。以伐木必于所生之地。與燕飲必于所親之人。兄弟燕同姓異姓。言上皆尊什。故不敘必其來。此同輩故必欲無遠。民之二句。是比方之詞。蓋即常情之小失。以喚起上當為友也。失德以怨。亦只就自處說。與弗碩有

各一例。有酒六句。極言禮意之真率、友情之親厚。如此不  
出上三段。設燕意而寓情。更爲親切。幾曰。滑、滑之也。謂用  
茅爨之而去其糟也。以豈曰醲。以幾曰滑。連用五我字。正  
與上文徵我相應。

天保

通詩以天神為主。前二章言天福君。四五章言神福君。三  
章六言各形容其盛如此。雖總是極臣子之稱頌。而戢穀  
編德二意。自是頌中有規。

首章保字。照命不于常看。定照厥位惟危看。孔固常上保  
定也。下四句。正保定而使之如此。不除不底。各繫頂上說。

無時不福。積之則厚矣。無事不福。積之則多矣。

單厚多益。雖皆是福。然皆用虛字形容。故次章遂提保定之最緊切處。言之。俾爾戩戩。宜如俾爾單厚者。下句宜如何。福不除。看上虛而下實也。戩有一齊之意。善亦有個源頭。一善則無不善矣。宜者恰當之謂。亦只在事上說。戩戩。替宜正是受天下福了。惟日不足言。日之降之而不見其止是也。正是避稿。

以莫不興。承上二章福來。只是可大可久。翻覆說。五和字。疊上說下方至二字。便見進盛意。非待莫不增而後為進盛也。莫不增正與莫不興相應。總是形容不盡之詞。

四章首四句、只輕三、一直遞下、以爲下錫福引子、不甚重。  
取日、卜柔日也。擇士、選與祭之士。齊戒、致潔于內也。滌濯、  
洗祭器、沐浴其身之類。致潔于外也。孝以盡志、享以盡物、  
祠之言食也。禴、禴新麥也。嘗、嘗新穀也。絜、進物品也。禴、祠  
所以迎氣之來。絜、所以送氣之往。君曰二句、是尸傳先  
公先王之意。

民之質矣四句、分明是擊壤謳歌景象。所以爲人主之多  
福。只將澆訛之世、其民之巧偽智故、何如爲主德之累反  
照、則質之即德、爲德之即爲主德自見矣。時至成周、民風  
漸趨于薄、故鹿鳴言視民不訛、以言民之質矣。俱有深意。



偏為爾德。只是言偏斯民之為。皆為爾之德也。註中則象  
良是却不須云助爾為德。  
不審是無缺損。指山之一處。言不崩。是無傾覆。指山之全  
體言。

采薇

雙提緩化之故。是一篇骨子。下面靡使歸聘。我行不來。豈  
敢定居。豈不日戒。皆根于此。首三事叙其始。出時事四五  
章。預道其在疆圉事。末章則預道戍歸時事也。  
箋曰。重言采薇者。叮嚀行期也。歲亦暮止。又丁寧歸期。定  
其心也。薇亦作止。是今歲春暮止。則來歲之仲冬。兩期而

還時也。此已明說。是離家勞身。下將指出言之。家與身是下二章終局。

以章承靡室家來。要止。要歸期之遠也。憂心烈之。際既憂止。挽續渴之苦。從辭家來。成事未已。就今往者言。以方在途也。靡使字。就同成人言。兩番成役。皆有戰守之責。無暇寧家也。

三章承不遑啓居來。陽止是明歲之十月。不遑啓居。以在邊防。守言與不遑啓居止。就上道言者不同。憂心孔疚。以憤激國難。成敗利鈍。未可逆知。故也。不來是竭力致危。以守邊陲意。請起下二節。

成主于守。而四章言戰。蓋未有不應戰而能守者也。將帥  
乘天子之命車。故得稱絡。與下戎車有別。戎車二句。未上  
起下。二連說不定者。只為欲克敵。一月三捷。言當常勝也。  
古者禦虜必用車戰。故張。皇。略。車。戎。車。正。以。作。最。戰。之。氣。  
度下豈敢定居。不須用轉。不敢定居。內有工夫。如堅則運  
籌。行則決戰。退則堅壁。進則攻取。是也。豈敢則在心上看。  
○五章首二句。亦言車駕于馬。重在車之可恃。以守上。依  
者。憑之以運籌。決策。勝者。恃之以進退。止奔翼。以車之  
行列。言象。彈。魚。服。以車上器械。言豈不二句。未武備。雖威  
往來。日戒。月。存。此。戒。心。也。花。棘。即。警。戒。之。詞。一。得。一。應。

詞氣甚緊

末章要認預通意蓋人懷敵愾之心則公事可畢歸家有期故預道之楊柳依依即首采薇之時也雨雪霏霏即首歲暮止之時也因來而追往重在雨雪之勢上行適二句俱根雨雪來遇雪行進而又饑渴也莫知指君言方遣戍時而絲之以以隱然見征夫一陟勞苦傷悲盡知之爾行可無復顧慮意

出車

全詩重美成功上以獫狁于夷作主而其本在憂心悄悄二句前三章叙出師之事先戒懼而後奮揚後三章叙班

師之感先勞苦而後悅樂

肯章上四句是以詩人叙詞述大將語自天子二句只言承命之重非師出有名也召僕夫內訖有棘意所謂君言不宿于家王事不宿于境也

出車在却視前在牧之車為後軍則所見止是設旆處旆而設旆處旆已在彼牧故緊頂曰彼旆旆斯蓋因言表章而兼舉前渡軍言之也旆：飛揚重在前上，不專取其衆憂心不是畏敵直是憂不克平敵以副君命耳古之御者實與大將比肩此僕夫非將車者况旆重在將有以威

三章奮陽意根。次章戒懼來。其實戒懼與奮揚。非兩時。憂  
危。是威。僕夫。而威靈。遂已。攝氣。衆矣。昔四句。皆詩人叙詞。  
以為天子二句。章本傳王命重作。士氣上城。以扼除。剽樂  
言。所謂。咄。出入之防。嚴荒服之限。來則樂而去不追者也。  
赫々。本奮揚來。剽除。蓋乘我懈。伺我懈。不得為除此則  
不假。改伐而陸梁者。息也。雖本赫々。威名要見。守備有道。  
虜不敢犯。意作已然看。

四章至末章。只以景物點綴情事。而憂喜之情。見於言外。  
昔我四句。重在出之久。上不重在勞。黍稷方華。前歲之季  
夏也。雨雪載塗。今歲之孟春也。古者無紙。有事則書之于

簡、簡書、即出師時所受城朔方之策命也。要見即却獵狁而在塗之感慨猶如此。方與下章有情。

五章代為將帥室家之言。首二句正是暮春景物。即將帥在道感慨雨雪載塗時也。末二句全是为師征不歸還想其夫之詞。不是實事。○須知上章言往來之情結于簡書。將帥語意與成人迎別此章想北伐之餘威擬兩征之新命。將帥妻語意與成人室家亦自別。

末章首四句只述敘光景不重時可樂意。至執訊二句方照上春日風光重。可樂處。末二句全是歸功。而仲前言于襄是在侯方時不敢憑陵。此言于夷則以去川方復言。

便有幾世。平定意。此是一詩之主。輔氏曰。歸曰凱旋。觀樂也。

### 秋社

此詩通是王者體成人室家之情而代言之。肯念其常。秋社。方畢成時。尚未至於春也。以念其常。歸猶是春將暮時。未過期也。三則期已過。故以車馬過度之。四則過期而不。至。故以卜筮決之。

秋社雖以識時序之寢。而取義于秋。亦因征夫在外。而傷其孤特無依也。繼嗣我日。指往役至今。月言陽止。即秋社。既實之候。追止言此時。從未即歸。難追還不得。服。



扶杜脫實是去年十月、其葉萎了、則實落而又生葉為今  
年之二月矣、升木二句是承上文而衍其詞、與陽止二句  
例、看將升木代扶杜二字、恰是女子口中悲念語。  
陟山岡是望君子、然重祀可食則春已暮、意禮車三句全  
是憶度料想之詞。

匪載句、向承上起下、輕看、重在卜筮上、匪載匪來指陽止  
涉蔓止時言期、進就來、已時言多為恤、不必指出所恤何  
事、有事可指便不多矣。禮大事則先筮而後卜、小事則龜  
筮不相讓、相讓俱作以心之惶惑不定也。會字透借字生  
卜有龜詞、並有占詞、皆謂之辭。

魚麗

詩肯全重優賓二字肯二節極道其盛已含曲全意下三節特抽出以贊其曲全耳下所謂多偕有即上多有字意嘉肯時即上肯字意上言酒已兼蓋下言羞亦兼酒嘉與肯稍別嘉以品言肯以味言也

以二魚興肯多取二者之兼備君子自工歌而指主人且字重多或轉取以求充故惠不嘉肯或盡美而難繼故惠不偕有或拂經以取盈故惠不時嘉則多而珍異矣偕則肯而齊一矣時則有而新美矣曲全者物也所以曲全者禮意也

嘉魚

全詩以樂賓為主，曰樂曰拊，曰綏曰又，皆自我燕賓者言之。非賓樂我之酒也。有酒，猶言設酒，歡在其中。

首二章言取物必以其道，興燕賓必以其誠。式燕以樂，一聯說樂行，俱以心言。樂只是情意浹洽，形神舒暢，到下綏字方是勢分兩忘，形迹俱釋矣。

膠木下垂，使甘藹得以聚其上。主人親賢，使賓得以安其心。亦重主人去安賓上。又燕只是一時事，如酬酢不已之意。

南山有臺

此詩要玩總注尊賓字美德祝壽所以尊之也德是已然故曰美壽是未然故曰祝德典壽雖各開說畢竟以德為本蓋古人頌美未嘗忘規也各章樂只總就其形于晉接時者言之不甚重美德全在邦家之基等語

邦家之基之光直指其德非言德足以基之顯之也不已就時言是無窮意是成就地言是日盛意保者保合太和之謂父者順養元氣之謂爾後就本身說與無有沒艱後字同保父爾後雖是祝壽隱然規以修德

此詩舉草木為興各有倫類臺與策是附地者故與邦家之基桑與楊是沃若者故與邦家之光杞與李是多于者

故與民之父母，桡枉與拘捷是耐久者，故與蒼壽黃耆。

蓼蕭○序曰：蓼蕭，澤及四海也。箋曰：九夷八狄，七戎

六蠻，謂之四海，因在九州之外。

此詩極重，既見二字，則予與諸侯聯屬一脈，只在來朝，否則非與堯桡之悲，即重匪風之嘆矣。既見安得不心驚，即美其德，履原不離，既見到末章，遂舉舉來朝之儀作結束矣。或謂全詩以德為主者，非是。

心寫渾，在睽遠想望，得以慰解上說，亦微含觀德意，燕是故燕笑語，是燕時怡悅之情，承心寫來，重君忘分與之笑語，亦舉履舊多推開一層說，細看不如只就燕時言天

子稱其美曰譽。諸侯適其情曰慶。

龍猶言增重我光猶言光輝我此即是德不真即此德之有常要說得句然勿泥勸戒意不忘猶言不已是祝其長享藩封而永作龍光也王朝建侯本意不過欲其光昭令德翼戴王室亦要自己享國長久方得永世同休故此言龍光不真下遂言宜兄弟似頗實規

孔燕孔字帶豈弟說言燕會間見其為人甚豈弟也宜兄弟則因其德之形于燕而知其必宜于家此即令德而足以獲壽豈者壽豈不平看

俸革以飾馬和鸞以飾車皆是謹侯度嚴萬福就得天說

古詩三卷  
典壽考壽宜一例看

港霖

全詩只以君之燕臣為主，令德令儀，俱就燕上見之。因美其善是飲也，讀此詩要想見周家盛時光景。

首章以天津辱被于物，與君恩厚及于臣，合安久足三字，後是歡，安者無事，久者夜，延是者情意浹洽也。無歸，非禁臣之歸，只是心上必欲其醉情之厚也。

次章以露在豐草，則膏澤深，與燕在宗室，則恩意厚重，而在字考成其燕禮也。箋云：夜飲之礼在宗室，同姓諸侯則成之于庶姓，其讓之則止。

杞棘異物而無不得露與君子皆有所主而不喪德桐梓  
異物而無不下垂與君子皆有所檢而不喪儀顯允庶弟  
雖皆呼過之詞然以顯允屬德以豈弟屬儀自有分別今  
字照上辭字看

彤弓

此詩是王者自道其錫弓以報功之意我有嘉賓句最重  
蓋款懷之功關係宗社生靈則賜之自不容已而不覺驚  
之爲速矣註中誠與速字不是王者口氣前二句是追  
原之詞要認重其典以待有功意中心四句相承說饗雖  
指燕言而最要入賜弓意蓋弓正燕上所用以酬賓情賓



者、錫必先饗、必用樂、蘇氏曰、凡賜予夫、以饗札行之、饗  
烹大牢、設几而不倚、爵盈而不飲、獻如命數、獻數終而止  
不得終日、故曰一朝、義訓抗、謂以彤弓抗之于弓、樂使其  
休、常正也、樂訓輜、謂以彤弓輜之于弓、樂使其色常新也、  
右者、勸以酒、而以賓札尊之、醕者情厚、而頻勸以酒也、  
一獻一酢、報施已均、而又有耐爵、是其厚也、

菁義

全詩總是極道喜樂之情、各既見君子、向景重、蓋此君子  
非等閒人物、此見非尋常接遇、所以玉脰其樂、儀播燕飲  
言正是樂之所寄、樂且有儀、情發于外也、吾心則喜、愛報

于中也。貝有五、大貝、牡貝、名貝、小貝、不成貝、二枚為朋、價各有差、非總五貝為一朋也。錫我百朋、只就喜上極、擬其情、不是將得重貨形容得賔休字正對。泥、浮沉者、休亦即在樂中。

六月

此詩詳叙北伐之始終、前二章敘王命伐北之由、中三章敘其所以成功、末則敘班師之慶、雖言甫而宣王之能、命將在其中、間包括最多、關係中興氣象最大、肯章重一急字、棲、是舍卒與師人情接、棲意戎車三句、正出師事也、我是常服對用字者、戎服常臨陳乃用之在

道故載之也、我、就朝述言、急字、總貫四句來、臣王國者、正  
華夷之大分也

次章比物已在上駉、內、我服即上所載者、此又抽出言  
之、開之、是人去開、馬謂舉平日所教者、一試之也、維則謂  
駕車而行、隨人執轡、自合執度也、維此四句、一直說下、還  
重、在、速、與、敏、而、常、度、之、不、失、在、其、中、我服我字、就軍衆、就  
佐天子、就折衝禦侮、以共成撥亂反正之治言

三章上四句、輕馬為克敵之具、故鋪張以起下文耳、有顯  
正形、容備廣宜、一直看膚公謂接夷安夏之功、奏膚功即  
定王國也、嚴就約束士衆、如號令、明賞罰信之類、言翼就

自心持軍、有戒慎而無解弛言、旅翼覆、便是武事、此二句、是言甫成功根本二、以字上作是以看、下作欲以看、○首言我是用急而次言應敵湛容、則急中有暇、次言不失常度、而此言旅翼以共武、則寬中有殺、皆相形互見、以替言甫之妙于行師。

匪茹、是不度順逆、整居、大衆盤桓也、內侵、莊兵深入也、此正孔熾之勢、懔文懔上有文也、即所謂鳥隼之章、白旆是以帛綴旒、未為燕尾、故曰縶旒、非二物也、白當帛字看、原是絳色、元戎、車縶輪、馬被甲、衡軔之上、盡有劍戟、名曰隋陣之車、十乘、用馬四十匹、甲士三千人、步卒七百二十

人所謂選鋒此先發程其餘車徒皆在後也

戎車既安非指先戎即首車所飭者輕軒分前後不得車必覆于前而不倚于前却于後而不側于後方纔是安如輕如軒猶云輕如軒如也合上元戎則彼為前鋒此為後援閑非如前以人閑馬乃馬之自閑于法此四句總見兵威之盛足以掃蕩強寇以起下薄伐文武二句是因其成功贊其為將之賢不必粘定上文

燕喜舊多主私燕說蓋為我行永久飲御諸友似是言南意中語也。不知此乃作詩者代為王體其意而立言婉轉如此。還主飲至說方見君臣將相關會慶受証即蒙燕喜

說。曰。飲。御。搢。交。則。不。獨。一。張。仲。舉。張。仲。者。正。見。與。燕。得。人。而。吉。甫。之。賢。益。可。知。也。相。臣。調。護。念。是。說。詩。者。看。出。詩。只。是。道。其。一。時。之。盛。耳。

### 采芑

此詩贊美方叔之意。一步進步。先從軍容說起。次及軍律。又次乃及謀猷。而歸于以望收功。大意還以方叔之老。二句為主。要知此是作于永命啟行時。故詞氣雍容如此。首章以所采之芑。新田有之。芑。詁。亦有之。與所統之兵。不惟衆而且練。田一歲曰芑。始反革也。二歲曰新。漸和柔也。新田芑田。除草未遠。故芑猶存。其車二句。雖以車徒對言。

其實徒即車之徒也。師干之試，自素習言，謂好敵之師，素皆平昔訓練者，未便說到師律之嚴蒞者。臨此車徒，秉節鉞以撫之也。率者，暫率此車徒以行也。路車，乃方枘所乘之車，非三千之車。四騏，即駕路車者，韋第以飾車而載之。車者，又有魚皮之矢服，領有鈞，膺有樊，膺以飾馬而馭夫馬者。又有倭革之下垂，皆統方叔所乘車言之。○路車，是象路其色朱，戎路是革車其色黑，不乘革路者。此時尚未臨陣也。與下章服其命服意同。

次章其車三千，即車以該徒。交龍之旂，應蛇之旂，即左以該右。即後以該前。車之鼓以皮束之，車前之衡，韡文以飾。

之此兵車也和鸞則非戎馬而有服采色之帶于腋則皇  
然環蔥色之旂于裳則瑋然皆命服也要見不必服戎服  
而威靈已著意

年聽而止有進而退意故以為興此章原非有將戰未戰  
之事只言紀律如此紀律只在進退上註動靜又進退中  
事益進退皆是動進而止退而止則靜矣試即練習其進  
退之節鉦人司伐鉦鼓人司伐鼓使其聞此聲以進退也  
陳師而告陳旅而告使其守此法以進退也其進方銳無  
以治之則亂故鼓聲平和而不暴怒其退方亟無以治之  
則散故鼓聲閑而靜治獨言鼓者蓋以治兵振旅言則



皆動也。若治兵振旅之止。則必伐鉦可振。顯允句。雖輕却與他處不同。要粘軍事說。顯是號令明。先是賞罰信。盡爾奎荆二句。只是引起下文。非斂其罪之意。與下來威首尾相應。元老是尊稱之詞。不作雖老看。克壯其猷。言方叔之謀畧。出于兵家常法之外也。不與兵威對說。執訊獲醜。全在師之武勇上見。戎車三句。通指車言。嘽。言其數煇。言其勢如霆。句。即自衆威而狀其雄也。亦為壯猷之方叔率之。所以聲勢如此。聞望原成于謀威。而來威不專恃此。元老所以異于人也。德之在軍。行時說若起此行為真不用戰則果矣。

車改

東都之行本為會同而此詩之作却重在田獵即要認中興漢古意

既以造作中興而車堅緻也既同差擇得精而馬齊疾也兩既字就平日已如此言是天子中興百度維新意以馬駕車充滿于銜軌之間故曰充實且東只言往東都不言往作何事下章指出行狩故遂以田車為言行狩分明是大蒐以震滌宇內之人心不止為區區獲禽也

之子于苗之子于征皆不敢斥王而以有司言之置只重車徒聲象盛意而靜治在內田獵之徒有麓人以戒途

錄入以辨物司常掌族虞入植旌故選之書以建施即以  
徒皆有司預備如此博獸是未然事數又是甫田中地  
名以周禮大司徒仲夏教養禽遂以苗仲冬教大閱澤以  
符此詩言行狩于苗只用其名不必按其時之下用會同  
字亦是來朝之通稱不是一時期見有此兩起  
駕彼四牡二句是諸侯在道時事赤芾二句是諸侯入覲  
時事宜依文直下重會同上與前者前後雖連彼此錯出  
也有詳者九听有序五等有班陳列于兩階而兩階相維  
也要見人心齊一意

五章方言田獵事弓侯而得矢之重弓弱而得矢之輕故

曰調射夫既同二向一索見人情涉躍意同者同心同力也。不是比獨舉柴以射而獲者言諸侯舉之則其左右面共舉之矢助我持天子言。

四黃二向見馬有餘而教有素意不併只言調習未說到御之善獨言驟者驟在服外易于出入也舍矢二向相連說御者守法而射者又命中一時技藝之精如此亦須根人心統勸乘正是射夫之同處。五御之法一鳴和鸞二逐水曲三過君表四舞交衛五逐禽在。五射之法一曰矢二參連三剡注四襄尺五并儀。

曰御者之良游疾徐之中射者之工矢發則中如推破

物也。

蕭：然。三句言所聞所見者如此，而徒御則終無宣淫。總是形容整肅，意三等之獲，惟下殺乃入君庭，而又止于得入，其餘皆順于士大夫之習，銷者，故君庖未嘗盈也。于征通，然田獵往還言，故注云總敘始終，師行嚴肅，全是一段精明之氣，貴微羣心，整齊百度，在心則無懈怠，在事則無虧損，故以君子大成嘆美之。君子又大成之本也。允美，長也。對平日稱為君子，則以大成說，為此詩者，似窺見宣王之鮮終。

古曰

前章狩于東都此即狩于西都東重在末二章人心之於  
上悲事在古二句又當得末章不必歸美宣王但看下之  
人如此奉上則所以致此者躍然言外矣要見中興復古  
意

祭用戊者外事以剛日也重在禘上不重祫日房四星謂  
之天駟主車駕春祭馬禋此常祭也將用馬力則又祭之  
車牢馬徒與祭禘各開說不必泥是神力歷陰造禽只言  
車馬足為田獵之用與下章皆未然事

次章只平三指出將狩之地是馬不過于孔阜中取其足  
之有力者乘之耳玩既字不重在馬上獸之所同的句只

是一句禽獸衆多莫如浴以猶衆都之有以其為天子田  
獵之所舊矣非臨田而始擇也

中原蒙上漆沮來其祀以也言孔有指數言熊羆行也  
侯之相待以緩行也或三為羣其羣不可數也或二為羣  
其羣不可計也悉率或射或御也獲天子不必拘定獲禽  
全在想見天子今羣心振武烈以顯典欲共成其威上既  
張二句即蒙上文說張弓挾矢中小雖大俱是悉率中事  
客酌醴却再帶言

鴻鴈

一篇凡三言劬勞前之劬勞以羅散言中之劬勞以聚室

言終之劬勞、合離散與樂宜言。喜幸意、只見于中樂、而所以感慨氣味發之。

鴻雁秋南春北、轉徙無定、故以興人民離散、未得而止。鰥寡不專指老者、凡室家相棄者皆是。正見可修處、此章要體、追言話意。

百堵皆作、句、宛然見國運中興。民生再聚、光景註一丈為板、以高言板高二尺、廣六尺、五亦其板為一堵、則高一丈矣、百堵非一家也。

鴻雁之鳴哀、故以為作歌之比。時當安宅、劬勞已往、似不須作此歌、不知痛定思痛、自有不容默者、非謂惡民窮。



者不能知也。末二句重哲人一邊。但是慶幸感悅之詞。

庭燎

夜如何其。是臣下叙次王者問夜之詞。一節。渙一節。重在不。安。上夜未央。紫粘何其就。若曰。夜豈猶未分乎。故下皆想像其可以視朝之時。不謂泥注錯字。庭燎原為君子而設。不該以見聞平看。

疏正義曰。庭燎者。樹之于庭。燎之為明。釋文曰。在地為燎。執之曰燭。

泂水

金詩本首伏在篇末。首言莫肯念亂。即慨人之不敬也。故

祿言謔之可愛而以敬告之。

首章以水之猶歸其壑與人之不反其本既即指謔言煩興陷入罪罟言念有恐懼係省意非徒然念之而已。雖無父母舉入情所最切者動之念也。語未及卒意自悚然。次章以水方盛而未艾。隼方揚而未止。興憂方浹而未息也。不蹟即指謔言之人無故構禍拂天下之公心常理言不徒陰承上二句順說蓋不為一已憂而為父母慮自不能什然也。

寧莫之懲猶曰豈遂一興而不可止乎。直接下文自我視彼曰訖言自被譖我曰譖言敬是哉。訖。臨溪履薄意。

思其與言不與也。此處有安其身以及親意。

鵲鳴

全詩托鵲之音，皆在言表，欲王深思而自得也。并誠明好惡等字目，俱傳注以已意貼出。詩入原無此語，求可以結其肯者，只一成心之不可執而已。○二章一意，而次章添節下字，比前章每進一步。

玩園字有近習意，他山有疏遠意，曰樹檀見容悅可近，白石后見粗直可憎。

析父

全詩以胡轉句為主，前二章言不當以王之近衛而遠徂。

見後之非曉末章言不當以國之孤子而遠征見後之非  
法俱重在父役上靡所底止言遠役無已時也責祈父即  
以責王

白駒

此詩總是深惜賢者之去臺臺相承說繫維公侯金王等  
字無非托言要說得活末章似為去淫之言實都是將去  
一時語耳

食我場苗上要着安得兩字今朝今夕言駒逍遙嘉客言  
人俱要得托言意此四句一氣說着不得一過接語一朝  
一夕非可言永但欲去時留得一朝一夕亦已永矣嘉客

對主人留他說。適適不去。便有嘉客。故註曰。猶適適也。  
公侯遂豫當就斯道。大行身名俱顯。上說無期。不是以長。  
是無限。量意優游。以隱處之樂言。適思以高踪之懷言。曰。  
慎曰。勉。非其志也。只此二字。便可想挽。得極苦。

其人如玉。以德之。純粹言從高潔上。追想爾音。只是音聞。  
相聞。并音聞而重之。則有遐心矣。送來辭榮長往之夫。每。  
年如此。故叮嚀之。正是眷戀之極。若云。莫聞程國之言。則。  
賢者何不皆作公侯。乃為此出仕之思乎。

### 黃鳥

此詩比意與碩鼠一例。呼黃鳥。還是即呼他邦之人。莫殺。

啄粟以喻人之害已。即所謂不得其所也。此是顯出。不我肯教。不相周恤也。不可與明休感。不相知也。不可與廢強。嘆弱。衆暴寡也。始言邦族。次言諸兄。終言諸父。困苦愈甚。而思則愈親。

我行其野

依橋自蒞。言無所居。采蓬采蒿。言無所食。各不我當。皆無居。食言婚姻之故。句重看。見得以親誼望彼。求我新特。我字作彼字者。不貴以款貧趨富。見得未必恁地惡薄。責以棄舊憐新。見得他或者脫不得世情。其實以入原自厭貧。詩人特代為諱之耳。

斯干

此詩首言築室之美而願兄弟之好。下詳築室之美而願  
男之賢。大意重似續。此祖上道鼎建金為似續計。而兄  
弟相好。生男以撫有室家。所以似續于不替也。故首尾頌  
禱及之。落謂與賓客燕會以酒食流落之也。即歡樂之義。  
或云是祭名。

首章統三句。然形容其外景。約之以下三章。細形容其  
內美。

斯干南山。皆形勢之在前者。斯干在近。故臨之狹。言旋  
繞也。南山在遠。故望之幽。言朝拱也。竹苞喻下面根基。

之堅固、松茂、喻上而結構之牢密、兄弟三句、當就居室上、  
發相好無相猜、一正一反看、兄弟要說得遠、不止全下情、  
舍淺、西室、家、君、王。

似續此祖本築室之由也、興作非國家細事、惟祖宗舊業、  
幾廢頽舉、欲盡我堂構之責、有必不得已者、作室牆垣四、  
周、曰百堵、則室以內、規制皆舉之矣、西南其戶、百堵以內、  
之制也、居就朝廷言、嚴就宮闈言、英語則通內外言、俱舍、  
似續、意此章築室、便軒起下垣牆堂室、居處英語、便軒起、  
下攸竿收躋攸寧。

古者作室、以治垣為先、舉板築之工、見室宇之牢密也、室



室有甚尊大。只為王者居之。便有尊無二上。勢無兩大。故以爲二字可玩。

大勢嚴正。自前後左右言。廉隅整飭。自堂之四角言。棟是牀柱。字是室之四垂。簷是屋之前後正簷。阿是棟邊飄出之側簷。章者。振明。變章也。矯翼者。奮飛也。攸躋。作實。看中。間有許多天子施為氣象。

庭是宮寢室前之庭。楹是廊廡間之柱。正是當戶牖之地。寔是遠于戶牖之地。蓋一室而有向陰向陽之別也。古人室戶不當中。或東北或西北。則西南東南兩隅皆隱暗。故爲。變西南爲與。東南爲突。攸寧。是順。聖躬養天和之謂。

○六章徽起。前。面。嗣。續。一。段。憂。勤。而。埋。後。段。生。男。女。的。張。  
本。乃。安。字。正。照。此。室。未。築。以。前。焦。勞。經。畫。言。乃。占。二。字。與。  
下。占。字。不。同。乃。覺。而。自。記。其。夢。如。此。四。樣。朕。死。只。好。說。是。  
耳。目。所。不。及。且。勿。露。陰。陽。字。

七章諺為占夢之詞。祥字全在下二章照出。

乃生乃字將然之詞。寢之等句俱見古人。秦。豫。教。之。法。箋。  
曰。裳。畫。日。衣。也。衣。之。裳。者。明。當。主。于。外。事。也。玩。以。璋。者。欲。  
其。比。德。焉。純。朱。黃。朱。色。有。淺。深。也。庶。服。黃。朱。以。國。為。家。室。  
而。為。君。嫡。服。純。朱。以。天。下。為。室。家。而。為。王。俱。未。然。事。  
寢。之。地。早。之。也。乃。天。尊。地。卑。之。意。非。謂。早。賤。楊。疏。謂。是。璋。

兒彼、姜曰、夜衣也、明當主內事、女以紡績為事、故姜以紡  
磚

無羊

詩重中興考牧。而末段發出天下國家大計。大率民安物  
阜。開國家之氣運。原是一齊來的。夢之有無。不足深論。  
誰謂字打從前此所無說來。羊以三百為一羣。至其羣數  
則不可悉數。九卜其牂。以例其餘也。羊苦不和。牛苦不安。  
今既和且安。便見無損傷。無病耗。所以驗其衆多。  
中二章。正如一幅牧事畫。圖。參差叙述。從見其盛。若以人  
煩物情。為物所由盛。反看小了。別其色有三十樣。非每色

有三十也。牲，無祭祀燕享說。何益負候。薪蒸雖雜，俱是寫景。不必拘泥牽合。四以字俱粘收來說。爾平來思，舉羊以見牛也。矜之乾，有堅強之狀，不審不崩，無損折之虞。是一正一反。少損曰虧，全壞曰崩。羊有疾，輒相汚，故曰群疾。畢來自野，入家也。既升自家入牢也。衆魚旒，只是恍惚之意，非人變魚旒，變旗也。豐年家室內，要發宣王中興，非復向之民靡有孑孓，稼穡卒穰意。陰陽不和，與何以育。故夢衆而魚，則為豐年。生衆不繁，旗何所執。故夢旒而旗，則為人衆。不獨以少致多而已也。

不平謂何。是前九章僞領。其目在用入行政。詞俱刺尹氏。而尹氏得行其不平。由王用之。所以卒歸亂本于王心。凡言天言民俱以舉動尹氏之心。即以就王心也。民具爾瞻。即是仰其用入行政之善。下五章。有民字正與此相應。

山谷本虛。而草木之長茂實之。可見山猶均平。不平在用入行政上。凡喪亂弘多。疊上句。懋指心言。嗟指聲言。維周二句。一連說重。在秉國均上。政主乎平。故不曰國政。而曰國均。秉國均。則必須秉以平心矣。維以安民言。既以德言。俾民不迷。使民曉然。知有所係屬而不亂也。此三

句責其必如此。乃為盡職而人望亦副。與其瞻相應。下廉民弗信。以其不自為政。無以慰其瞻而疑之也。正與俾民不迷相反。

此章通重用人而行政在其中。言不躬親便是委政。姻婭了弗問。是不由于咨訪。弗仕是不由于歷試。以此等人而委之政。便是固上。此全是心之不平。故陳王地教他平心。不要用這等人以誤國也。疏云。一人娶姊。一人娶妹。相亞次。故兩婿相謂曰亞。

吳天四句以不平之禍歸之天。君子四句以回天之責歸之人。天方降瘳則窮極矣。故曰鞠凶。民言無辜則反常矣。

故曰大屨。君子卑指尹氏言。如屨。以行政之勤言。如夷。以  
用入之公言。俱根心上說。而如字有不勝想望之意。  
惟不能局且夷。故天不弔。亂靡有定。衆鞠凶大戾言。戎月  
斯生。言不備而降凶。不惠而降戾者。日甚一日也。國成。即  
國均也。紀綱添度。一成而不可變。故曰國成。不自為政。應  
邦邦弗親。卒勞百姓。應俾民不寧。卒字有終不改之意。  
駕役四牡三章。相承說下威。云者。舉世昏亂。若見天地  
是狹也。須知詩人非果欲去國。但以見致亂者之罪耳。故  
下遂極言尹氏與其徒反覆好亂。見國事都被他攪壞了。  
天下安得不亂。形容其怒易轉喜。就見喜易轉怒意。

不愆其心。與前詞借莫德相應。覆怨其正。與前不敢戲談相應。篇中惟天子是毗一句說王。而此章明指示出惡之不寧。為下說心章本。

武說爾心。要本感悟誦言之意來。王心一化。則不復為尹氏所惑。而用八行政時得其平。所以萬邦可蓄也。○此篇全為告王而作。篇內言天者五。言民者六。見得人君所恃者。天所托者。民。王獨信尹氏。將不畏天。與民乎。正是筆動王心處。

正月

此詩大率以憂說為主。說者小人。所托以傾君子也。而本。



在王。為。內。寵。盛。感。不。用。君。子。而。用。小。人。致。此。訛。言。故。欲。止。  
訛。以。救。乳。惟。有。一。用。君。子。而。當。時。不。可。望。矣。君。子。所。以。憂  
之。深。也。

繁霜雖言天變，訛言雖言人亂，然天變特喚起訛言，下皆  
承訛言說。獨對衆者，憂之大，謂不徒為一身憂，而為社稷  
生民憂也。此即是他痛憂，而小心之可哀處。○癡迷鼠，  
病而憂在于穴內，人所不知，故已所隱憂為癡憂。  
不先不後，即胡作我痛之意。訛言之人，安得好言好配，就  
錢紫言也。秀害苗之草莠言，即害正之言，兩自口可味，有  
海指訛言中傷者，彼以為是，而我以為非，彼以為樂，而我

以為憂。動與衆違。優侮自不免矣。

三章言已之見像。不足言。而國之將亡。深可慮。首四句。一連在自家說起。而表舉國之人。重憂國。上仕于公曰。臣仕于家。曰。僕臣。僕。逆。祿。皆亡國之憂也。受祿乃脫災禍之若事。生今之樂意。不要說煞了。○禽經云。鳥向帝背棲。而招集流亡。稱鳥合之衆。以鳥易合。亦易散也。故借鳥言。瞻彼中林。四句。以人之視物。大小甚明。興天之于人。善惡無別。方始正執言所為。未定既定。以氣運言。靡人弗昧。魚福善而側重。禍淫。逆伊誰云情。緊根上說。正見造惡之不可赦。

謂山二句。是影借說。見龍言之不實。大抵如此。亦見其易  
辨。莫之懲。指君言。召彼四句。自臣言。而臣莫能辨。政由君  
不能懲也。言至如此。証妄不斷然懲止。而反召人訊之。所  
謂執依疑之心。來譴賊之口。誰復有能辨之者乎。具曰予  
聖。心實懼禍。繆為大言也。烏之雌雄亦是借言。  
苟者。卷曲而立身之儂也。則不見天為高。非者。累足而行。  
步之狹也。則不見地為厚。總是憂亂之甚。不敢自達之意。  
倫謂合于事理。非事未至而妄言之。卷謂近于道理。非無  
此理而設言之也。全在禍亂難容上見得。今之人即執言  
之人。袖腸是借字。指龍言之禍。此只大槩言世道如此。不

野指自己。

七章是作詩者即已一身所愛以見遭際之苦而莫王之不用即然其永懷章意也。抗我不克謂挫折而困頓之無所不至求我則猶云求我做箇賢人之榜樣也不是求為修己治人之則說我仇仇是苦束縛使不得展布之意力謂力于用也。抗之如此則不必退用之如此又不必進正是天之抗我如不我克。

胡為厲矣言必有所以致之者。然照著末句燎之二句是反言以起下言大盛則難成國盛反易亡也。前七章皆憂說言此章直指張如成周見王之素所信託皆由于此成。

周是未然事。

然其永懷句。接上淫虐說。正見雖未滅亡。終是滅亡之道。如車行絕險。雖無陰雨。已恐載之必輸矣。况又迫以陰雨乎。害陰雨。正所謂難至也。行險是已然事。陰雨是沒來事。永懷者。思其終之安所稅駕也。曰懷曰窘。皆自君子言。王固不知也。

無棄爾輔章。與上句。相反重在輔。不可與僕平對。亦與上無輔。將伯文勢相似。輔是喻。已用之賢。故曰無棄。僕是喻。繼用之賢。故曰屢顧。屢字有旁招之意。

魚在四句。喻身處亂世。欲縮腰自危而不能也。念國句。是

念國之信託以為履政者階配至此正應上今茲之政看  
○末二章皆言小人得政此曰洽比有聯合依附之意云  
訓旋是周旋健繼之意念我獨兮當作我獨念兮看憂心  
憂國憂民也

此二句是卑小者而豈大哉一句是窶陋者而富足無極  
與有穀對看天地間財止有此數小人富則民必貧與念  
我無祿不同末二句承祿喪來得獨是于可哀中較其尤  
病者其實貧富皆受病矣

十月之交

全詩專為刺幽王用皂父而作故第四章推致變之人以

皇父為首。而下四章遂極言皇父之為害。番。不用其良。句及。堯妻字。明。指著幽王篇中紀災異以日食為主而雷電山崩川溢只帶言以甚之。

首章首二句是將言日食而紀其月日之詳。十月為純陰之月。辛卯為重陰之日。交者日月交會在晦朔之際。而此則正在朔也。天干庚辛屬金而重光之辛為陰金。地支寅卯屬木而單開之卯為陰木。堯曰日為君。辰為臣。辛金也。卯木也。又以卯侵辛。故甚惡也。蓋十干寄宮。辛寄在戌。土卯木賊之。故云卯侵辛。堯曰微不明也。

堯曰。告凶。告天。下以。出亡之微也。離魚日月實際。頂上日。

食說月掩日而月為之食。即謂日月告凶矣。不須無月  
食說。四國指王國也。不用其良已。暗指用皇父了。下豈曰  
不時。正四國無政之事。此日而食。與此日而微稍別。前以  
陰陽之本體較。此以陰陽之勝負較。陰至勝陽。必有大不  
善事為之感召。但不知應在何事何人耳。于何字最有味。  
不藏正打著。告凶二字。

燁。單指電言。電光一發。雷即繼之。此不足為異。在時  
當十月耳。十月雷伏地中。陽之已伏者。由陰之據其外。是  
以復出不寧。以震動暴戾言。不令以平時失序言。為谷為  
陵。因沸騰華崩來。以雨為主人。暗指出王莫懲。謂不能懲。



其用人之失也。○幽王二年，三川震，岐山崩。

國有六卿以分廢政，而設卿士以總六官，不是太宰之屬，周禮天官太宰卿一人，地官大司徒卿一人，天官膳夫上士二人，春官內史中大夫一人，掌王八柄之法，趣馬夏官屬地官師氏中大夫一人，居虎門之左，司王朝掌國得失之事，卿士為權之首，皇父為奸之首，諸臣皆是其引進，而鄭妻嬭惑王心，則皇父所以得恣其植黨之奸也。方字見。盡王心者，政未有失，而羣奸之專恣，安有極哉。故下文遂俱陳皇父之惡。

抑此六句相遞說，豈曰不時，是度皇父之心，胡為二句緊

張上來。徽哉。牆屋正是勸民以徙。田卒汙來。又是徙居。後事。蓋昨不曉徙居。故不得有事于田疇也。宋二句是責民以徙之詞。此章合下章。總事作都一事。

孔聖二字。分明指出。皇父責美聰明剛愎自用情狀。欺害民皆由于此。三卿邑中之卿也。禮歲內諸侯二卿。不慙道一老。非是收為私用。只是顧他自家。便不思為國紀綱。日者德之臣。盡皆斥去。不若以衛王也。宋二句與鹽炭句相應。三卿多藏。指責者言。擇有車馬。指衆之富者言。總見皇父但知有財而已。

是勉從事。即從前遷徙之義也。只借以起被譏意。諫。即諫

之于皇父、無罪遭殃、即下民之章也、既降自天、即吐起由  
入句、相聚而言曰、傳再三申說曰、皆、皆陽為相說情狀、而  
轉背便和抵毀、諫人之及獲如此、此指皇父所用之小人  
而好譏者實由皇父。

我里孔疚、空說、四方二句是傷于財、民莫二句、是困于役。  
正見其孔疚也。曰、民莫不遠、且美者、自傷之至。視天下之  
苦、無甚于我耳。不是真遠耳。美不歡、積貧富、勞遠之、不  
言、不敢救我、及自遠有悲。天憫人、尚冀王心一悟、意不上  
是、無可奈何而安之。

而無止

此詩通以君臣之義責去者其詞婉轉曲折若有其必  
反之意當以各敬爾身一句為主

首章結為怨天之詞以責責人之端曰新伐四國則有罪  
無罪皆受其禍矣故怪天弗慮國而使禍之并及善人也  
舍謂置之于飢饉伏則明正其罪

周宗既滅以他言是詩人故危其詞靡盬止戾未知天之  
所命民之所定也舉正大夫見草臣皆散三事大夫內臣  
也邦君諸侯外臣也朝見曰朝采見曰夕曰莫肯夙夜朝  
夕則雖未拋棄官守其心已不在朝廷矣此節猶未深責  
諸臣只併言人離以見王宜改圖為惡即後節好佞惡直

意

如何昊天。陳項覆出為惡來呼天。即指王也。法度之主曰辟。故法度之言曰辟言。此章首四句不重。只以起臣之當自盡耳。幾爾身者。反離居之身。而風夜朝夕。以肅官常。供職。也。末二句語氣抑揚。正見身之當敬。虔。相。畏。亦。只是各敬。直。是。以。天。警。戒。之。並。無。人。已。天。人。而。居。

戒成二句。總結上文。變人離覆出為惡之意。輕點上失。以起下當。以此訊王也。惜。日。輝。即上文所謂戒勸。曰。輝。有言。苦。不。信。去。又。不。敢。勉。自。效。吾。敬。身。之。誼。意。聽。言。不。須。註。是王欲聽其言。只是問王問及耳。答亦是被事而言。但不

肯盡言極諫。不是面從。此二句曲盡史臣容身畏罪情態。  
與敬身相反。二則字可味。多重在下句。

哀哉章。象上聽言二句來。匪古是出。與書不啻。若是其口。  
出句法相似。由裏之言。乃為不敢出諸口。恰似用力以。  
出其言甚難。正與巧言如流相反。此與下意皆歇時事之。  
窮。以原其所。以離居。見得我亦不體。汝苦情。但所謂敬身。  
者。不若此耳。

然。是求不得從容。驗是不得寧處。不可使即上不能言之人。  
可使即上巧言之人。但直道。枉道。所關者大。不專在進言。  
上說。合上期得君。下顧公議者。方見任之棘且殆。語意只。

重、正人、一邊。

謂爾遷于王都、正、挽其風、疾朝夕、敬身以事王也、不曰難  
仕而曰無家、此特其言則然、而出言時、衆思泣血、其苦楚  
情狀如此、乃是地畏禍的真情、只以無家為詞耳。若果為  
無家、則出居時、誰從爾俱出、以作室者乎。言原是自作之  
也。出可以作室、則還何患無家。○孔氏謂人、漢必由悲聲  
而出、無聲而涕出、如血之出、故曰泣血。

小是

此詩以謀猷、四遠作主、而歸教于王之不斷、不斷則猷猷  
而喪亡至矣。

四道即指謀賊二句言。賊不滅以成事敗事說。賊之說見前  
陽與而陰謀之深為自全之計也。從來小人情  
狀如此。就是他自家腹裏也。原有相知相識。不必是黨邪  
伐正。下面而具字全從滄說生來。具有衆口一詞之意。謀  
之四句。雖與上章意同。但看自王謀于人言。此自小人端  
裁。王言裁。視謀猶即頂小人看。  
厥字多字。俱舍王心不斬意。裁處二句。不過引起之詞。裁  
言盈庭。正是謀失孔多。誰敢執其咎。正是事用不集。執其  
咎者。任其成敗之責。而決其是非之歸也。凡謀必引成敗  
為已功罪。如所謂謀人之國。危則先之。然後謀定而事



以集若曰倡游言心營脫禍徒作一場話說而已。  
袁哉句承上貫下而匪字與兩難字口氣極緊兩是字正  
反一匪字先民是善謀所出程先民即是大猷通言是祖  
我鄙頑無聞杜稷生靈之計者德是上人聽之爭則辨以  
感其聽矣聽字爭字固是不懈之意而却重在通言上不  
濟于成與不得于道一例就禁室言

聖哲謀庸受未可便認作善謀但有此等人其謀必善聖  
是以謀下四德故特批言之或聖或否要皆得圓融言否  
之中未嘗無聖也重在聖上。堯範五事思之德庸而作聖  
視之德明而作哲聽之德聰而作謀貌之德恭而作肅言

之德。既而作艾。訓治。謂有條理也。如彼流泉。言善人爲  
群。小所流注。如流泉之往而不反也。末句報善人說到國  
事。善人沉淪。國亦與之俱敗矣。

不散三句。呼莫知一句。暴虎馮河。只借以言害之近而易  
見者。人知其一頂上二句來。却不可泥定暴虎馮河說喪  
亡之禍。在池字中。亦須會著。只以隱禍言之。乃得凡禍必  
知之。方能救之。人皆莫知。則有相率以及禍而已。安得不  
懼。

小宛

此時只重求無辱于親意。以謹儀教子作眼。而吃緊在一

敬字轉到末。略更洗費出敬之精神。

以鳥上達乎天。與己之憂不能不上。及乎親念皆先人。只空。說前人之可念。下二句正言于此時念之。明敬二字有味。見一日間營為之初。思慮之始。此心便惕然為我父母興懷。蓋常恐辱之也。舍下而許多意思。

齊聖四句。是就儀上指出當法。與當戒者。意重在戒一邊。說之恭曰齊。思之肅曰聖。終以德言。不必分作兩人。溫克以儀言。克訓膝。謂膝乎。酒而不為酒所膝也。一醉日富。形容沉涵之人。漸、沉溺之意。蓋其初僅一濡足。而日甚一日。遂不可回也。政與溫克相反。敬儀要認得廣。不必黏住。

飲酒天命指自家身上說。天命去來只就緩不緩上決之。一不緩便去。一去便不來矣。此是警惕使緩之詞。

契曰。蒲盧取桑蟲之子。負持而去。煦嫗養之以成其子。注云。以體曰嫗。以氣曰煦。謂負而以體嫗之。以氣煦之。令變為己子也。穀所以終采菽之興。似所以終螟蛉之興。然作文亦須順讀。可謂穀者不離穀字。似之直是在我身上使之克肖。不正求其肖我。

以物之飛鳴。不得休息。與兄弟之進脩。不得暇逸。而哉字與兩斯字相應。適有勇往意。征有進趨意。不外謹儀教子。然此只按他。一跌不可自己處。我日而月。須看得圓活。要

見交相勉勵。時至而功即與俱至之意。夙興夜寐。登上二句。以起下句。言月言日。言風言夜。直是不停一息。末句正應首節有懷二人意。

此前三章念親之意盡矣。然憂危之意既切。警戒之心無窮。故又提出世網可畏。尋常工夫未必遂能自免。而更思自善之道。以起下章。握粟出卜。非真欲問之神。只以見人之意想已窮耳。

末章亦只是一發危意思。非必遂謂此以自毅。也是處亂世的重要訣。恭人小心。是當世賢者恭人。一個謙和的人。小心是個長遠的人。集木臨谷。各形容上句。而履冰又不

止如集木鳴谷

小弁

此詩哀怨本首。伏在末二章。蓋忍成于信讒。起于易言。此是被廢根因。而非有罪可廢也。憂字是一篇綱領。篇內凡七見之。

首章興意。取歸飛字。蓋宜曰被廢。如窮人無所歸矣。我云雅鳥。即悲鴉。亦取反哺意。箋云。殺養也。天下之人。無不父子相養者。兩何字。重致其審。以被被廢之由。微有自及無缺意。

平陽之道塞之則草生我心之憂感之則痛生與此四句。

翰窮盡也。言盡為茂草也。雖是興意。而恍見異時黍離景象。如持者。謂此心悲傷感激。如有物持其心也。事關心者。夢中亦長吁。故曰永嘆。憂愁多者。年少而白髮。故曰頭老。疾如疾音。不病而似病也。

桑梓四句。以情愛輕重相對。為興。恭敬。是且視暮樵。不敢輕戕。斬伐意。瞻者仰望。敬事之誠。依者。顧戀。追隨之意。靡匪二字。謂家庭朝夕。所瞻只有一父。所依只有一母也。不傷毛外。不違其氣體。不離裏內。不違其心腹。是驚怪。不自信之詞。

四章。以物皆有所容。與已獨無所依泊。譬彼舟流。以被逐。

而無所歸也是以首四句與中二句  
鹿性易驚猶懲其羣雉性耿介亦求其匹以物類尚能相  
顧興已反見逐而不蒙親顧也寧莫之知寧字是怪嘆聲  
口入字只延言

瑾路塚也左氏道瑾相望兩或字與維字相應曰尚或則  
維未必盡然而亦未必盡無忍是不憐恤之意對不忍者  
非殘忍之忍滯出無聲見悲之極度

君子信諒四句一順說凡飲酒一醉一酢往而必返至醉  
辭則受而不返不舒究正足上直受意不究根不惠來苟  
加惠德必不遽信諒言而究察之矣持如持角之枰三方



持之、恐木顛而本傷也、乾木之文理也、隨其文理而析之、則迎刃而解、金重、不妄、挫折、意罪人不當、則是妄也、戒王不謹言、惟原致譏之本也、葉以信、繞見廢、尚作戒、危語、是詩人委婉、履山猶陟其巔、則不得為高、泉猶入其底、則不得為深、由言未便是廢立之言、只意向、繞有所左右、便令小人得以潛伺而竊聽也、毋逝我梁、言東宮、我居也、汝不得居之、毋發我笱、言視膳問安、我事也、汝不得行之、蓋身雖廢、遂終不忘親之意。

乃言

通詩、俱是刺王之聽讒、以致亂、備始既終、則王之病根也。

若以曉人。則其心何難知。言何難辨。人何難除。只若王之  
海容不察耳。

亂如此。無者善惡混淆。是非顛倒。而已。被其害也。已。咸謂  
謠言之肆。虐太甚。謂諗人之罔極。而予慎深致其審。有天  
庶幾登我。使我得免于謠意。

亂如濁。亂刺。僞之亂。不必推開說。亦不可常諛字稱。初以  
始生之。蛇言。又以既成之。勢言。僞始。既。海。一句中。談着謠  
人之。猶賊微巧。與聽謠者。昏惑。疑。兩般情狀。海之一字。  
是全篇中。王要害處也。容諛信謠。則不喜。若子已在其中。  
如。起如社。頂上口氣。極急。正與始。臨相反。兩庶字。與兩如。

字相應。造字亦極其形容。見只在王心。一轉。移開而已。  
屢盟與賢者盟也。人有疑乃盟。若與臣剖心析肝。相信何  
盟之有。況于屢乎。賢者而屢與盟。是分明猜疑在心。牢不  
可破。示誘人以可乘矣。亂安得而不長哉。屢盟二句。正承  
如社二句而反之。信盜二句。承如怒二句而反之。犯甘二  
句。又承信盜二句而申之。長暴飲三字。無淺深。但長自屢  
字。意來。暴自盜字。意來。飲自甘字。意來。止共。謂止于共。賊  
無出位之思也。與請共之。請字同。

四章總言小人之心。不能逆君子之明。以他人二句。為主。  
前曰廟後曰寢。君子不忘祖考。恒存本誠。故能作也。莫是

品節裁成曰秩。上卽是莫字。龜危遇大則獲。比譏人遇賢則明。遇字着力。只緣未遇君子。故得以藏其奸。苟一遇之。情偽立見矣。

柔木均之可用。故君子猗之。人言有諛信之不同。故必以心辨之。以廢置事理不同。爲典曰行言者。好醜雜出而無所準也。數之重。在巧言一處。須說得渾融。蛇上正形容。碩言出口之廣。如此。據理數詞。自然有序。而口頭絕無回互。故曰自口未旌下宜也。二字是斲章語。不必泥此兩句。只以起末兩句意。

末章是反覆其詞。以賤惡之。非真居河康言其地位卑也。

味真有微施。言其醜惡甚也。皆是賤之。又詞奉訓力。亦屬勇邊。勿誤作權勢看。

何人斯

全詩本為他交而作。却為望其來之語。胡適不入等語。俱是託言以刺其譖已。蓋既已譖之。自然無面目見之也。開口說個孔艱。直指其心事。而終曰以極反側。真堪令暴公媿也。

孔艱未可直指譖已說。只說述梁不入見之一胡字。緊接上孔艱意。怪其與已殊也。梁魚梁在門之外。伊誰云從。因其不入我門。而問所從行也。

既請之使失位。寧有復唁之理。不哉可。報不入唁來。蓋遂  
樂而不入唁。此其意全不以我為可矣。始者親厚時。何嘗  
如今。以我為不可。即一唁而有。所不屑乎。此意當與伯氏  
吹噓二句照看。

不入其門。便是不見其身。非別有躲閃處。不愧。正言可愧  
也。側重下句。自此至五章。皆摹寫小人詭秘皇遽之狀。  
疾如飄風。就徒聞其聲。看出。自北自南。則影響迄不相聞。  
我心反得以自如。今相值而不相入。則意其疎我而又若  
近。意其親我而又實遠。適足以撓我心矣。胡不二字。與撓  
心相應。不是惡其相值。

脂車是遊梁遊陳之託詞。雖行是不入門。不見身之託詞。一字宜玩。我心易者。不恨其見之晚。而喜其情之親也。照往而不入言。否字與可字反。即云不我可之意。難知。照心易句見上章。望其一來。就往時說。此章望其一來。就還時說。億之多方。改詰使無說耳。

伯仲是同官實話。懷麓則是借字。吹麓吹懷。指謀國謀倫。不相華忤。言及爾如貫。只承上二句看。如貫者。心孚意契。若相連而不解也。斯字。正指相知意看。凡盟是盟將來。祖是祖過往。暴公譖已在前。故獨言祖也。說文以禍福之言。相要曰祖。

遊梁不入情狀，宛是鬼域，而面目則猶是人，少不得與人相見，則情安所逃？按若正使反側之情無所逃也，反側以知我而又諱我，說

巷伯

詩首重首二節，兩成字，正是諷入罪狀為下，按界有異之案。

莫弓二章，此意總是飾小過以成大罪之意。姜菲無所指止，是小文之貌。錦文如貝，謂之貝錦，此成字有潤色組織之意。嗟，不是星，只擬其微張傳曰：言有因也。斯人自謂其避嫌之不審也。鼠有味，成是南箕有橫毛，展布之意太



甚言其所為之惡也。諱遠與謀言。誰專為他畫這計較。詭  
紀一至于此。

得字從然得者。如續之繼續不已。翻字從羽。翻者如  
鳥之往來不定。俱自事語上說。不信虛而不實也。非聽信  
之信。捷者。是習于應答。情。是巧于變換。亦自言上說。講  
言。講人之言也。輕信之門。既啓。則及中之禍。不測。故曰既  
其女遷。既字。作休字看。  
好者。猶楊者。有志得意滿意。草者。猶慘者。有懼禍不測意。  
視者。鑒觀而別白之。鑒別驕人。正所以憐恤勞人也。  
再說箇誰遠與謀。此兩自覺恨者。捷之有吳。即視此驕人。

之意。導卻皆設為痛惡之詞。

揚宜下濕。故揚園為下地。故田之隴也。丘如田隴。故曰丘。丘從揚園外取丘。其道自下而上。若加之者。然欲而聽之。皆警惕此心。如事息上皆可招誘。而取此輩之言。以自防也。非是空聽。意若謂庶有裨于君子。實為諛口。罔極不止。及一人而言。

谷風○序曰刺幽王也。天下俗薄。朋友道絕焉。

此詩俱是怨詞。以忘大德為主。相親于患難。而棄于安樂。只為忘難時不能無過。而大德終不可忘。所以怨也。與此各止四句。

維風及雨，風發而雨，得之也。有相須意，轉字最重。言昔日同心協力，忽轉而背棄也。風回從上而下，曰頹，有風便有頹，亦周旋不舍之意。寘于于懷，以心之思念言，深于結子與汝如遺，比前轉棄，又形容深刻一層。

在風為長養之風，山顛之草木猶能及之，然且有萎死之草木，山已之交詎能厚，不能無一時之小失也。

夢莊

通詩是傷已，不得終養意，以表二句為主，一生字最重。我父母之劬勞，以生而父母不得我之養，以死豈不堪為痛絕。

願哉伊蒲。非哉變而為蒲也。只是終之所成。不能如始之  
所望。哉。萬壽是一種。漸長則漸無用。詩人引喻甚切。氣  
二字。聲氣畧歇。以父母連下句看。餅比父母。壽比子。只取  
相資之義。不重大小。蘇氏無父母之民也。猶全云。孤子。怡  
瞻仰也。恃依賴也。既入矣。而云靡至。正所謂如窮人無所  
歸。

生氣本于父也。鞠形成于母也。拊我下都。自孩提時看。拊  
防其驚畏也。膏時其乳哺也。長是日夜調護以俟其長育。  
是起居必謹以保其和。預刺裝視謂父母行而兒不隨。則  
回視之也。復謂顧之又顧。及覆視之也。腹者懷抱于腹間。

也。此等皆是父母生我。勸勞。德就人子所效于親者言。以德報德。必取其稱。至天之覆育生成。則無德可稱矣。山高。大則風必疾。此以物理之齊。與人事之不齊。民莫不歎。以終養者言。

大東

通詩總是哀我憐人。亦可息也之意。以周從傷財作眼目。維天有漢以下。只將下土件件空虛。而西人為虐。未已極其形容。非是衷心望天。見天之不助東人。反助西人而怨之也。詩柄所謂昔病全在此處看。

青車與意。以嫌與林字。起砥與矢字。嫌滿。則不平。林曲。

曲則不直，直反與也。如砥以平原，四達言如矢以馳，進千里言所履是履，行道以朝會，所視是視，君子為往來要見，秋後仍平時，令人自然進道氣象，顧之出涕，今情未發，爰云，旅者客始至，主人所致之禮也，疏曰，禮盛成，黍稷言祭及賓客之七，則用棘，古之祭祀享食，必體解其肉之胙，用七載之，出于鼎而升之于俎。

枅軸其空，枅謂無枅軸是枅軸上無經緯也，既往既來，往來之不一也，因役傷財，察差互見，不必分析配合，葛屨履霜，已無道路淒涼之狀，而公于往來，枅為枅軸，財盡則力亦疲矣，觀下文再言憚人可見。

契者憂苦切心之意。契者寤歎。就詩人自言。哀者。我哀之也。憐人。舉指東人說。此章有四句。已括下四句。但歎嗟之詞。出之層疊。平作兩截。便誤。

四章總是言賦役不均。而羣小得志。在內。賦勞不來。謂專主勞苦之事。而無有慰撫之者。兼財力言。政與憐人可息之意相左。舟人。私入。又就西人中舉其賤者。以例貴者。百僚是試。不是私入居百寮之位。言得有寮之寵。俸任用。以見其安逸也。

或以酒四句。是極言西人之暴殄。不必實指酒殲之供。漿卽酒也。璉訓瑞。佩璉者。以瑞玉綴于佩紼也。漢有光而無

明亦有二字。只就漢言之。未說到。臨我困苦。踐訓。隔織女。三星。得是而成其形。隔然終日。終一日也。天有十二次。一晝夜十二時。一時歷一次。故自卯至酉。織女當歷七次。即是所謂肆星所止舍處也。此亦但云所見星之名。織女者如此。未審望其成車。

織女至箕斗。絕無望。盼于天之意。不過云。只聽說。天上有此物。于民則何所濟。所以盛言下土之空虛也。

報章者。織之用緯。一往一來。相反報而成車也。幾曰織女。有織名耳。駕則有西無東。不知入織相反報成文章。服箱以輸載。言傳曰。日旦出。謂明星為啟。明日既入。謂明星為



長庚、康、續也。皆金星之說。蓋本于此。載施句、總、承、啓、明三項說。

維南有箕。上四句。與前所舉諸星一例。下四句。則更下一轉。俞吉西柄。亦是極言畏惡西人。驚疑痛癢。意態特寓言于箕斗耳。未嘗怨天。總之。此前三章。只要形容其愁若無聊之。以不要着相說。

#### 四月

此詩自傷之意。在我日構禍一句。而廢為殘賊二句。則是講禍根因。

四月維夏。夏者。暑之時也。至六月而暑始將退。暑之久也。

炎蒸困人。天亦有似乎怒。故以興已之適禍。宜為先初所不忍也。

百卉具腓。俱變而黃也。以肅殺用威。則無物可免。與亂離為害。則無處可安。瘼矣二字。言亂離來病人也。其辭凄然。○三章以日寒則風疾。其氣相似。與民殺而我害。其情相懸。曰莫不穀者。身處害中。見人皆瘼已也。秋曰冬月二字。作時看。註禍亂日道意。恭用鄭箋。不是。此前三章興意。卉是草木之通稱。殘賊就虛國殃民說。興意以山有異財。則人知其美。位多惡德。乃不知其惡也。莫知臍指。王說。禍亂之生。實由于此。

五章即水之清濁有時興已之遭亂無已構禍謂禍亂業  
集也本上殘賊既禍來

南國之紀南國以江漢為紀也是無情之水猶若為池所  
有以興已之竭誠盡力不蒙眷顧蓋反興也有即春秋不  
有寡君之有是法有這箇人在心上

匪禍四向承上莫我有來有無所逃于天地之間意正言  
已之所處只索盡瘁不是亂無所逃  
惟以告衆無他及也有時事令人不敢盡言之意

九山

重不恤意獨賢是不功好名目宜以首棄朝夕從事

為。主言偕。一。強壯。便伏下。未老。方將意。言朝夕從事。便伏下。盡瘁。仍勞意。王事靡盬。與他處不同。

得。天四句。詞平而意串。走重在王臣一邊。大夫不功。亦只言不功。勞而已。

傍字。泛旁有。有午之意。未老。方將。方則正。所謂。獨賢。經。將。四方。打轉。四牡二句。只作。經。盡。四方之事。說不是。征伐。燕。重言之。見安之。善息。偃之。偃作。卧。字。看。偃。仰之。偃。作。俯。字。看。偃。仰。從容。閒暇之意也。鞅。以。韉。馬。而。執。在手。一。腕。手。則。為。奔。而。不可。御。矣。總。覽。國。事。名。然。故。曰。執。掌。風。箴。是。主。身。事。外。談。論。人。之。是。非。此。三。章。俱。以。一。勞。一。逸。極。相。反。

者相形。着數或字未嘗黏着自己而已。德然在中大夫之  
不均亦不言自見。

無將大車

通詩只一意而反覆道之。要玩無思二字。愛至于不欲思  
正其憂之深也。有座就將車者言。几大車所過。座必障天  
將車之人。不辨面目。不出于類者。人在憂中。耿々然自知  
之。而不能自遣之也。重猶累也。謂空自煩懣一番。

小朋

此詩是西征大夫因已之勞。思共人之進。而以立朝大義  
規之。玩末二章。詞和義正。則連前心之憂矣。箚語俱非怨

詞看三章各畏字。分明有已。亦有勉。思靖共之意。

呼天意輕。雖有任歷之意。靡寒暑則歲暮矣。君子舉事尚早。故以朔為吉。其人是在朝共事相。得之素者。含悲在心。非知己莫可與譚。而身投遠荒。無由得見。故念之涕零。罪君就正。事不堅固。說勿作若之刑罰失宜言。

懷願謂懷思而顧念之。譚起本後事未畢。說采蕭獲菽止。見歲暮時。收拾過錢年的光景。自詒伊戚。與衛風自詒伊戚一例。是以分義自安。非自欲不能見幾之說也。與言出宿言既卧矣。復起而宿于外。憂念之甚也。反覆言朝廷之法度不測。

無恒安處句。喚起下意。請是自請之請。安其義所當盡也。  
共是處共兩位之共。請共云者。自請以敬共其職也。親賢  
與共位是兩事實。相關切與者。我助正直。不是求賢自助。  
有。祖以保全善類之意。照上三章末句。似謂萬里孤臣全  
仗良友。

### 鼓鐘

刺王主意。藏于其德。不曰一句中。知所以不曰。則此之回  
自見。末節只說箇樂非不古。便是刺其德之回處。不必言  
樂是人非。

各章鼓字。只作擊字。伐鼓。繞。真是鼓。軸訓動。惡結于心。為

為始動而不寧也。辨入君子之精周之盛。王懷加先字言懷之信有不能忘者。不言其懷之所在。會稽無盡。下二章。僥露出德字。德之不四。如周游于樂。罔遊于遠。是也。其德不由空言。其德與今人不相似。後。卸到王身上。而竟兼意未嘗說出。

琴瑟堂上之樂。笙磬堂下之樂。堂上下相比。故曰同音。以雅是以青而奏夫雅也。以南是以青而奏夫南也。以籥是以籥而協夫音也。凡樂之章有詩。樂之容有舞。以詩歌則音律不明。以舞踊則疾徐有節。是謂不僭。

馬賁與曰升歌字。皆金和玉節。以磬為主。衆音並作。以



生為主。祭止則生亦止。先之以雅。終之以南。秉羽。吹南。蕭而舞之。舞必依樂。青以為節。此章言下分明見。即古淑人君子。被之律呂。聞之聲容。亦不過如是而已。

### 楚茨

通詩以奉祭為主。而推本于力農。大總。首章是通篇冒子。如言享祀妥侑。已引起迎牲至燕。稱等事。介福也。引起萬壽。後祿等事。逐章事神受福。次第井然。以徽字貫首章四句。直從農卒初興時說來。重在黍稷。是祭之酒食所從出也。凡祭以酒食為主。而牛羊豕。豆牲之。倉貯之于

室、庾、積之于簋、以為酒食、以字指黍稷言、享祀祖考、妥侑  
皇尸、皆蒙酒食言、厭尸即祭神、更無兩樣、安安坐也、侑是  
恐尸未飽、而祝以主人之辭勸之也、介景福、作神降之福、  
○齊、有盛備之意、踰、有駿奔之意、魚、主祭與祭說、此  
句直言至、或將以薦牲言、祀祭于枋、以求神言、祀事句、頂  
上二項說、紫、作者牲看、省其色純角正之類也、蒸嘗、只泛  
言祭、示剝烹治牲也、肆、以陳于俎、將是進于廟、獻牲也、四  
或字、以事言、非以人言、祐者、神之所棲、乃其生時所出入  
殿、恐神或在焉、故使工祝致祭于此、以求之、明者、儀文甚  
備、禮節昭著也、皇者、神來而履尊位、儼若君臨也、神無形

故曰皇尸曰來、故曰饗、萬壽即是福、即是慶

記曰直祭祀于土索、祭祀于祊、不知神之所在于彼乎、于此乎、或遠諸人乎、祭于祊、尚曰求諸遠者與

三車前九句、重合衆人之敬、以爲敬意、譜、管下二句、莫莫、管爲豆、句爲俎、而牲體肥碩、其物以從獻、而燔炙畢陳、爲豆而穀物之內羞、牲物之庶羞、無不脩此三項、皆獻尸、事賓客也、與祭不重、豈戒上東西互對、飲爲交、東西邪行、錯綜互飲爲錯、交錯錯兼少長亦須迭賓客、記下要知此、是導飲能祭畢之燕、率度年獲言無不合于法、得其宜也、與上三平有總、要推本到主人之敬上



得乎。善之極則一。正所謂永錫爾極。庶事齊二句。應則重。  
在禮容一邊。

五章。總是祭畢而循禮之次。盥受祇告。送尸。徹饌。燕衎。四  
者。皆畢。祭時。禮節。一句。接一句。極有次第。既備者。禮終三  
獻。既戒者。樂終三闕。戒訓誥謂告終也。但位是復未祭時  
所立之位。無事發奔矣。致告安葬子之心也。與上不同。上  
是傳神意。此是傳尸意。尸以神為度。故神醉而尸起。神以  
尸為依。故送尸而神歸。廣徹諸宰則徹所獻之饌。君禘則  
徹所獻之豆也。不遜有如見神之在上。不敢復褻之意。燕  
衎要認傳字。

未卒、燕私受福、而徵之與燕者之慶、與上章末二句、是  
一時事。燕與祭不同樂、其入奏者、聲歌雖異、樂器則同  
也。綏者、受祿而安周之意。對祭時所受之福、為後祿、非必  
指子孫為後。然觀人心如此、懽悅如此、祝頌則後祿之綏  
亦可知矣。惠以禮之不煩、不簡言順其分也。時以時之不  
陳、不數言中其節也。無所不盡者、內盡志外盡物也。此意  
總在上數節內、却借慶詞點出。上言福壽、只以得說子孫  
又就此處補完、遂無幾微滲漏。

信南山

此詩力崇奉祭之意、較楚茨尤重、采芻豢犧牲俱一時

奉祭之物。每陵各費一義。初無先漢。而以泰。覆。為。重。為。爪。  
獻牲。要見與。築成。並為意。

前章從治田說起。為奉泰覆章本。的。根。由。旬。來。理。正。  
田之。事。而東南。又。理。中。事。也。如。方。里。為。井。十。里。  
為。成。理。如。一。夫。有。遂。十。夫。有。溝。是。也。遂。在。井。之。內。周。遭。一。  
夫。之。田。溝。在。井。之。外。周。遭。十。夫。之。田。推。而。廣。之。為。洫。又。廣。  
之。為。濟。為。川。此。言。南。東。其。形。自。遂。之。達。于。溝。言。之。也。遂。是。  
井。中。通。水。小。道。故。是。沿。遂。的。小。水。凡。地。勢。東。南。下。水。必。通。  
之。如。其。遂。自。西。而。東。入。溝。必。由。田。之。南。首。使。無。以。障。之。使。  
道。在。南。邊。田。內。故。為。故。于。遂。之。南。使。水。得。直。下。就。溝。而。不。

南。溫也。即過旱。而東引溝水以均于遼。古籍以故以為之。  
庫東其故可例。南東二字要看得活。或南。或東。或東南隅。  
皆有故。以防水溢。不必定于此兩方。但看故便知理之密。  
觀理有知疆之大。

雪欲盛。而稱故言霰。雨欲微。而潤。故言霖霖。雨雪雨字。  
虛二句串下。土膏既洽。承天津來。優餘裕也。渥厚漬也。霽。  
濡澤也。是充滿也。

疆場二句。重在黍稷。不必分頂上兩章。酒食二句。要見人。  
心懽悅。以奉祭意。界尸是妥備之禮。界賓即郊特牲三獻。  
尸後主人獻賓之禮。不是指尸酌酢賓。獻賓。以以為神也。



○瓜。即祭時豆登之物。是時通祭。瓜熟。故剝以為茹。而并獻之。禮所謂苟可以薦者。莫不咸在。是也。壽考。即是天祐。○祭以清酒。二章。通作一項。是備牲以奉祭而獲福也。血。膋以上。是既灌迎牲事。若豕以上。為改奠并奠之事。凡明。饔餼。黍上兩段。

祭以清酒。先行灌地之禮。以求神。而後迎牲也。執鸞刀以下。皆迎牲而殺之事。執以鸞刀。只以啓毛。蓋此時牲已殺矣。取血在致之先。取膋在剝之後。皆宰夫事也。燂膋在奠燕以饗。此時精未燂。止以亦是致牲時所取。故帶言之。全不重求神于陽。豕是薦于廟中。享是獻之祖考。正薦燕事。

也。專以牲言，不兼酒說，孔明者，終始不遺，節次不齊之謂。  
甫田

此詩初沿以祭方社田祖為主，其說終未免牽合，予以為  
不過逐節敘述，公卿為農如此耳。一章各自為一事，惟以  
重農一念，則敘散省勞新報慶祝皆此意也。詩或當作于  
秋祭時，然不必泥。

首章是從公卿敘散之法，說到省勞之勤，文義疊疊，相承  
倖者，公私之界限分明也。十千是一成之數，九夫為井，  
稅一夫，其田百畝，井十為通，稅十夫，其田千畝，通十為  
成，稅百夫，其田萬畝，每畝穀一鍾，十千只是田數，自古

有年。推明所以得食農入之意。而以迄今之有年也。今通  
南畝。亦是本省。耘之。初言之。不是就作詩之時而言。介止  
是甫田閒空地。可止息者。永豐士是進而嘉其泰稔之盛。  
慰其耘耔之勞也。髦士是農之通稱。

二章是言公卿舉方社田祖之祭。無非為民報祈。只是一  
時事。既篇云。因報成而知有賴于民者如此。則又當祈年  
以為農夫計矣。蓋一時之祭。而報祈之意具焉者也。方社  
止言用禮。田祖止言用樂。方社報而不祈。田祖祈而不報。  
皆互文耳。以社報生也。以方報成也。我田二句。是祭時語。  
以祈三句。一氣說。大約此章既欲承上省耘。又欲証以祭

法。便說不去。只索通融看。

三章是將省耕時上下情景。復說一番。不必泥定祭畢而省耕。以省。省。猶以之也。穰字。見得農夫不敢上獻。而自強取之。左右見其取而嘗之者。無方也。禾易。本耘。籽來不穗。來善有來。善者實。實。實。來之美有者。萬億及婦之饒也。○看來此章。是首章今通南。而五句未盡之意。下章則以足第二章未盡之意。

稼以在野。言度以在場。言倉以處之。秋。度。一邊來。車以載之。來。稼。一邊來。此正善有之可驗者。而首章十千之取。農夫之報。俱取給是矣。泰稷四句。是告神之詞。要得歸功。願

寓意萬壽即介福也

大田

此詩通是農夫口氣重歸美公卿上九氣望之詞既與前章相闕以曾孫是善一句為主

首章從首句平下通下一氣直趨末句擇其種者不雜以衆莠也。詩具具田畝使不致純也以舊年事說既備句象上以起下以我軍報二句打轉既我來橫豎可吞打轉既種來應直不索雨也碩大不低小玉精始生時言曾孫是若本殷士女克國用說

次章重在除害上既方自乎甲始生而將合者言既阜

自子甲始合而將實者言方訓房謂米生于中若人之房舍曰孚曰甲皆粟皮也甲在米外若鎗甲然不粒不莠本穽之精結之密來德指苗之已碩者去四蟲對下曰穽言穽乃未中之未碩者即下文不獲穽之穽祈田祖以除害者蓋魯孫嘗瑟琴擊鼓以祀之故望之如此  
三章重冀天津以成地利上皆未然事有濟四句本上祈甘雨來先公後私乃朱子推言農夫之心如此本文還重雨澤以次均沾意穽是禾低小刈獲所不及者一束曰穽束縛之所不及者合束曰束輦載之所不及者滯謂刈之散亂者一束曰穗此皆收成獲戾之意彼此二字活看見

到處皆有餘惠及人。亦魯孫穀士女意也。故願之。  
末章首四句與甫田章同而意則各別。前是耘耔之時。曾  
孫挾婦子以省耜。若悅乎民也。此則收穫之際。農見曾孫  
之省。歆而相告以往。值民悅乎君也。祀方者以收成之需。  
雖田祖去苗害之功。亦方神擇集力也。文當作來。禮祀方。  
此倒說法。獲福固是農夫稱願。亦須承神福來。

瞻彼洛矣

此詩全重美天子講武。上會諸侯于東都。正欲講武也。以  
作六師一句為主。三章意各互見。前二句不可忽。蓋言朝  
會之所。據天下上時。是以起天下之朝宗也。福祿只在四

海一王、人心一統上着、給是救膝之而不兼弁者、而韋弁  
韋衣在其中、給是給之染色、其色與然、作字重在天子親  
御戎服上、有以身率之、而一以奮揚意、琫琕之上飾玉為  
之、琫琕之下飾珖為之、琫璽甲也、天子玉琫而琫琕、諸侯  
璽琫而璽琕、若子萬年是、保邦未危之實理、不作祝嘏萬  
年字連下、亦不作壽。

裳：者華

此詩要提起前章、疊、贊美歸到才德上、統見天子之心  
寫有自、亦像美諸侯體、我遣通就落水言、

前三章各四句分一見、便能使。人。悅。樂。必。有。所。以。感。動。乎。



人者。此便合下章。威儀才德在內。文章以光輝精采著于  
一身者。言有慶即舉慶意。第三章以花色之不同。與馬色  
之同。威儀即在御馬上見之。至文章之本。與所以稱其威  
儀者。明明。是才德了。

本章見天生全材。以佐明時意。首四句。泛就設施言。到維  
其有之。方見才全德備。朱注。先提在前。乃倒解法。左右是  
借用字眼。宜者。大小常變。慶之皆當有者。千變萬化。用之  
不竭。宜有此互見。於是言設施于外。而時措之妙。如此才  
德。非二件。皆自內說。所謂維其有之者。有此也。与上有字  
不同。

桑扈

此詩頌詩中有規戒宜以彼交匪教作主匪教之念正是他一段和易可愛處故曰樂胥而哉那即匪教之在平日者也首章受天之祐與末二章福字相照

興取桑扈交飛而有文興君子上交而獲福樂胥指豈弟樂易言是中之和順所獲者受祐重在君子有以受之不重在天之降福于君子萬邦之屏亦重在有德以屏萬邦是已然事

屏者捍衛之使無侵擾翰者植立之使無傾覆為憲重戒是以為憲上指屏翰中休已治人附衆成敵事也非法共

屏翰哉、是收歛而不敢恣、難是畏懼而不敢驕、交訖燕時  
言匪救重、在心上看、此篇言福祿、皆出于天、不作君恩說、  
驚指

此詩四平看、福祿是已然者、只重萬年字、此二字、歷年之  
長、卜世之遠、俱在其中、兩宜字、皆順適安享之意、但上以  
福祿旣我言、下以我享福祿言、斬窮曰權、粟食曰秣、爰是  
受圖膺負之意、不單指賜養、後是雍熙寧謐之意、不單指  
安身、爰綏俱作虛活字看、是福祿來養君子安君子也、合  
爰綏兩字、只當作一宜字、

此詩及後道自己設燕本意三章文體相平而意相足宜以喜見為主。追言未見之憂預言無喪見之恐正以發其見而喜之意。各既見俱要在與燕上說。實維伊何與豈伊異人是雙喝起在此燕者為兄弟特伊何豈伊辭相應似與體耳不必泥為蘿松栢皆地所生故有相附之勢。比兄弟是一氣所分故有相依之情。惟情之相依故以見不見為憂喜也。何期是問何期約故下應以兄弟具來減對晤者形相隔而情相遠有無限猜忌嫌疑何等不減此憂之所以盛滿今惟恐取天倫之樂則減矣。

如彼二句。是泛以天道喻人生。是先陰美何。狗隙易遁之意。非看自己。與于燕者。說惟燕。緊承此說。言幸得與兄弟甥舅。樂飲于此夕。是人生所難遇。凡我君子。亦惟為我盡全夕之歡而已矣。雅字有。生。前。身。後。俱。置。勿。恤。意。

車牽

通詩為燕樂新標作。而所以燕樂意。以德為主。首章德音。聞其有是德也。次章令德。見其有是德也。下皆振此而言。○首章是追述。始事雖無好交二句。還是未見而預道其欲如此。兄燕會有好友在。最為可樂。故以此映出德音。末括之當相樂也。

辰是嫁之及時來教來相助我內治也不是言無然皆同  
牢之禮言來樂也即韓然燕來之來或作標揚其德非是  
無射亦只是一時情愿不可到說後日去

雖無字不重謙意重在相樂之情上蓋羨斯春之極而無  
以為情只覺物之輕德之薄耳成哉是冀望之詞正與離  
字緊呼應無德本令德來

折斷而其葉潯然所得副所求也故以為興解我違爾猶  
難得見爾觀字指上來信來教言心寫其饑渴之懷也  
木德來飲食歌舞無非心之所托以寫者

末章只是見好德之情不能自己幸有馬服御良可望來

括。不勝欣慰之意。勿泥註總叙始終。

青經

全以無信說言為主要其終極于亂國見信之禍大而使王知警。原其始起于交構見信之端微而欲王知察。皆幸以青經對說人故屬比。重在字。

變曰蛇之為無汗白使黑汗黑使白。喻說人變亂善惡也。言止于落欲外之令遠物也。榛所以為落也。同極以心之艱險反側言。構訓合。一人而構謂之使相猜也。

賓之初筵

全自只無伴太急一句足以該之。射飲禁飲是飲之始終。

所尋者。若第三章初延溫。則始未嘗不善。而終繼以溫。與前章初延初字。只對本章下面飲酒說。不對第三章說。○孔情以上。是未射時事。下是方射時事。此章言酒者。二曰飲酒。孔情曰。來酬遠。可以祈爾壽。皆為射也。左右是賓之。分列。延者。秩言其坐次。凡秩實于且。族加于邊。有楚者。別其楚也。俸其者。陳其物也。孔情重在肅敬。如上一位。設既設。深宿慙之。集于堂下。以避射位也。儀禮主賓一獻一酢。主入又酌以酬賓。受之。奠于席前而不舉。至聚時。主入乃舉以飲賓。謂之舉族。賓舉于阼階之東。主舉于阼階之西。往來交錯。禮度安詳。所謂舉酬遠也。還次



其才相近者曰記。記發彼有的二句。是射者心上自顯。如此不可作自我進言者。曰祈爾壽。則非謂自歆矣。及車錫爾祿。以上主久獻尸也。各奏爾能。以上子孫獻尸也。以奏爾時。以上賓客獻尸也。各段內俱有酬酢之辭。即是茶飲。舉觴舞以娛武舞。康至。替以饒八音。洽者。以樂之節。奏合于禮之次序也。百禮自迎。往以至獻尸。言壬者。規模之大。林者節目之詳。錫爾壽。德壽禮樂說。以奏爾能。此洗解獻尸。所以辭受而敬之言。佐食賓在尸食者也。于賓客之中。凡入令佐主人為尸。故獻名曰佐食。所謂室人也。三獻禮成。又多之為加爵。此原是獻尸之禮。非就賓

客所酌之爵。再加滿。此之謂爲此說者。只爲看室人是執  
爨一類。不知此亦賓也。酌彼康爵。無賓與室人言。康爵即  
是尸所酢之爵。

傳曰。東藩而舞。與笙鼓相應。

賓之初筵。不粘射飲。祭飲說溫。其恭即抑。反。二其  
未相對看。反。尚知顧禮。惜。則欲顧而不可得矣。抑。  
猶自鎮密。悵。則欲鎮而不可得矣。舍其坐。二句。即疊情  
惜。袂以飲酒之常禮言。反。抑。是也。惟爲酒所困而不  
知其常。此所以惜。悵。  
載號載呶。口容之不譟也。屢舞徽。身容之不立也。側身

之俄頭容之不真也。不知其都。是心志迷惑。不自知其言動之肆。冰上屢舞。起下側弁。令儀反。抑之謂也。監察其惡。史書其過。一察一書。相為副貳。故曰佐。非謂臣所不及察。史則書之也。武勳以下。皆本上取。取來。都是不醉者意中事。舉語一直說下。今明寓出代也。差理情狀。言自言也。語。入也。

魚藻

此詩要得王者樂以天下之意。詞雖褒矣。而保泰之謨在其中。在錫以居重馭輕。言豈樂以君臣同遊。喜起一堂。言太平景象。在那居上見樂。豈飲酒那居。全要發出所以然。

之故

求哉

全詩以彼交匪紆為主。蓋予之而猶以為薄者。正為諸侯上交以敬。其車馬服飾。僕御待從。皆敬所形。所以欲從厚。錫予也。後三章福祿。應推開說。照首章自見。

君子無同姓異姓。錫車馬以分民族也。錫衣服以別官階也。金路以賜同姓。繁纓九就。象路以賜異姓。繁纓七就。云衮惟上公有之。黼則五等皆有。然不必分析。祇以為薄。蓋云不過車服以庸之常典耳。

以有嘉其至止之意。其濟三句作三件看。皆見其護錫。

之度寓于其中。膝、股、外、兩、馬也。駟、合服而言。

赤芾三句正是入覲之事。赤芾服于腰而垂于膝，所以蔽膝而謹拜跪。邪幅邪縪于膝之下，所以束脛而利趨蹌。此雖是常度，而見慎重不苟意。匪舒是淫儀容上流露。出中心敬謹來。天子所之一敬感動乎君心而君嘉予也。予字虛看。命如一命再命之命。天子褒嘉錫予其臣必有言以將之。故曰命之應首章錫予而福祿則枝開一步說。與下萬福攸同一例。樂只承匪舒者。

末二章樂只君子內俱脫不得故意。天子之邦指王朝也。殿邦亦只就來朝說。萬福就寵承君恩謂齊平。訓祥治。

則不辭治則不亂。總是一故。意左右之。敬亦諸侯之。敬也。此兩章言獲福。上重一宜字。下重一必字。此章舍其身而言左右。正以歟福之宜同。下章舍在朝而言戒止。正以歟福之必戒耳。

維維二字。與葵脆二義。葵者。真知其忠愛之素也。亦以匪行知之。脆有厚積之意。優游是疾。一氣讀。言非為畏威懼誦。不得已而來也。須得形容贊嘆之意。

角弓

詩重刺王。以爾之遠。章為主。蓋相怨相讒。雖在小人。實由王之不親九族使之。故首言王不當薄于所親。而六章終

望王以厚反薄。篇中說民。不過借人民家來比方。而意實重。在王族。蓋所謂讒人。即相怨以攘爵位之兄弟也。角弓張之乃來一弛便去。兄弟昏姻。親之乃近。一疎便遠。曰無相遠。有望其念情之深。義之重。是同心之意。遠字暗指信讒。

然者。然其所為也。就意向。遠說。做者。故其所為也。就作為。而遠說。

緯。有裕。形容天性敦睦。寬容包涵。情景妙化。世間如此。令兄弟能得有幾。維不能令兄弟。則不當教之相遠矣。其人較量彼此。遙相責望。意思迫狹。豈不交相為病。

無良即猶不全之兄弟各據一方猶云無自遠不是的。以  
析爵位言以不兼得之亦以不兼失之也。至于已斯亡猶  
云至于亡斯已。是倒語法。

老馬二句是終受爵不讓之意。而下兩句設喻以戒其如  
是一章應作一氣直下。蓋當日知是正所以免沒之覆敗  
也。如食句言其貪賤無厭。如酌句言其櫻取太甚。宜字孔  
字以嘻笑諷喻行其警戒。

六章申前兩教之義而禁止之。正無胥遠矣之意。四句一  
反一正。如坐句蒙毋字來。敬猷即能親九族而不為讒佞  
所間便是。



末二章總足感慨說原可止而王反長之居者居此位也  
異者不一之詞或居應不肯遺棄說要驕益長其誘諧之  
氣也失中國相親相愛之道故如望髦用憂々世變之日  
下也

苑柳

此詩總道不敢朝之故全以母自贖母自療為主始則慮  
杜欲以求于我終則慮過分以求于我終則慮貪欲無厭  
而加禍于我俱根甚蹈末甚端是喜怒不可測禍福不可  
知意為此詩者蓋猶有宗周之意嗣是以降則天子有丁  
黨之辱而諸侯但聞有問鼎者射王者甚至狄泉之盟孫

僖南面以主會。城周之役，魏舒易位以蒞。既而周之威靈何在？蓋始于畏周，遂沿襲以至於滅周也。

都人士

通詩以「彼都」二字為主。所思在彼，所傷在此也。疊看不必分。

彼都人士，原非概此時人物。只是未經亂離，振袂句是都人之服飾，不改句是都人之表儀，有章句是都人之聲華。末二句，他是慨慕意，言當時而斯人果歸于周，豈不為萬民所望乎？久慕而忽見，如肯出而乍歸也。望是快觀之意。

臺並句、見其冲淡、綱直句、見其閑雅、臺並者、以夫須為並、  
戴之于首、緇操者、以緇布為冠、緣之于髻、綱、案也、綱、直言  
髮多而不卷曲、如髮者、如髮之本然、不假髮也、  
元耳秀實、言士有禮服、謂之尹吉、言女有禮法、  
帶是身飾、屬、即帶之下垂、髮是首飾、如蔓、是髮之上卷、髮  
曰、而、亦如也、而、屬、如華、屬也、華、必垂、屬、以為飾、匪伊、四句、  
蒙上文、又推出自、然、閑、美、一步、蓋服飾、固欲其盛美、又不  
如、無、意、文、飾、為、盛、世、之、象、也、云、何、行、矣、猶、云、使、我、如、何、其、  
懸、望、乎、言、望、之、甚、也、

通詩俱是托言。如卷耳載見一例。兩不互字。全在思君子  
上來。薄言歸沐。含其至也。五日六凡。大約如此。勿泥三四  
章乃預擬事。輟弓綸從。亦未嘗言從之獵釣。只擬歸時相  
照之事耳。觀象則有相親意。而未歸時思想到此。直是如  
目擊之。卻不在歸時之與偕也。

悉當

此詩出行者之口。重感德歸功上。只召伯勞之一語。便指  
盡通詩之旨。蓋下。要得預道語意。詩柄中將字。乃統  
率之謂。

謝在周南。故曰南行。南行不專自在道言。連營建功。夫在

內地遠而時久故曰悠。勞是勞其起事之勤赴工之久如恤其餓寒等情。

戒任二章是慶幸之詞蓋既得召伯勞之則此行可保無虞惟待土功告成言旋言歸而已任輦車牛徒御師旅作八件俱指人言車本乘載但指御車者言牛本駕車但主朕牛者言。

謝功包得廣肅。周備整齊之意營之任度董治之有方也征師無在道作邑言烈。勇于起事之狀成之以撫循為激勵有以成其烈也。

原隰句以疆理言平者因地利之高下而治之也東流句

以清江言清者。因水勢之流。著而通之也。皆謝功中事。以所係特重。故抽出言之。此寧無親待元舅之情。與式是南邦之命說。

照桑

此詩。並無未見而愛。既見而喜。兩層總是作無可奈何之詞。以志其極喜耳。其樂如何。欲自言而非言語所能形容也。便合避不謂意。

葉山者。葉之滋綠似黑也。德音。主好賢之名。說固嫌于近名。但欲以音為賢者之青。而孔膠又要在已與賢而心孚與說。中間便有兩轉。不如仍舊為直截。

題不謂矣。其中心藏之。一正一反。謂字藏字。正相應。何月  
忘之。求藏字意來。文勢甚緊。要依誰一氣轉下。有欲通而  
不能通。既不能通。又不知所以然之故。吾謂恐忘故不言。  
便是有意。非真愛了。武看本不欲忘。却云何時可忘。是何  
等描寫。

### 白華

通詩重一遠字。而二三其德一句。為遠之病根。各節相承  
說。各章皆二句。皆比體。而四章八章為正比。餘皆反比。  
白茅束兮。謂束野菅而漚之也。獨字與束相反。  
水氣夜升而為雲。朝降而為露。傳曰。英。白雲貌。露亦有

雲箋曰、白雲下露、之故、可以為膏之茅、天步艱難、暗指以  
尊代宗、宗社將危、意不止自傷其命之窮、猶訓國謂忍也、  
○跪也在咸陽縣西北、流合鎬水、嘯歌傷懷、所謂長歌之  
哀、過于痛哭、念彼碩人、與之子、不猶相應、為下燥、張本、  
念字就人倫大、或言非僅懷其寵澤、

鼓鍾二句、以感應之常理言、正意在言外、燥、即傷懷勞  
心意過、即不猶意、

絲變

此詩之體、與碩、胤、采、芣、相似、其初託言于鳥、下遂直言已  
忘、順本文說去、而比意自在、不必另補出正意、須會感慨



期望口氣

止于丘阿疲倦而止也。逍遙以前途言飲之食之望人之  
周恤已也。教之誨之望人之指示已也。後車載之望人之  
振援已也。

奚云事未至則預教之臨事則喻之

乾葉

乾葉兔首。只就燕上指其一蔬一餅。以見主有物薄情真  
之意。非必謂專藉此以待賓。舉乾葉見豈不必嘉蔬也。舉  
兔見餅不必異膳也。嘗之指酒言。與下獻酬酢一例。註中  
以是字正指乾葉。

箋曰、凡治兔、鮮者毛魚之、柔者炙之、乾者燂之、炮之、燂之、將以為飲酒之羞也、飲酒之禮、既來酒于賓、乃薦羞、言獻而後酢、言酢而後酬、禮之次也、却亦要見不因物薄而酒一行、即止意、酌雖屬賓、而主有以致其酌

漸漸之石

全詩以愁苦久役為主、自首至尾、由淺入深、首言經歷險遠、不堪勞苦、意已盡矣、以章又把險遠勞苦說深一層、三章言有遇雨之勞、以增其苦、則又不獨苦于險遠也、其山窮者、則川斯之、其川盡者、則山間之、重々相間、遠不可極、故曰山川悠遠、每章各二句為義、不宜分搭總承、

有豕二句。已然之雨微也。月離二句。將然之雨微也。嚴氏曰。豕性負塗。常時雖白。跡者亦污。今羣然涉水。濯其塗而見白。是久雨停潦多故也。停潦既多。雨歇未久。而月離于畢。則又將雨矣。此解最得詩意。月是水之精。畢是好雨之星。月離于畢。洪範所謂月之從星。義所謂將有大雨微氣先見于天也。不暇及他事。言勞苦之極也。

### 荅之華

序曰。大夫閔時也。幽王之時。西戎東夷。交侵中國。師旅並起。因之以饑饉。君子閔周室之將亡。傷已逢之。故作是詩。全詩德見國勢不久。民命難全。不得以求節作推原說。

箋云、陵若之華、紫赤而繁、有黃紫、有白紫、及其將落、則全變為黃、甚為極黃之貌、以將落故也。

何草不黃

全詩總是傷久役之苦、一章言盡人之力、次言盡人之情。三四章承言如此、是以默待其民、抑且默之不如也。士乘棧車、庶人乘役車、此有棧、乃是言車之狀也。詩中往往以實字當虛字用、如朱幘、之類。箋云、旅、草行草止、故以比棧車輦者、司馬法、周曰輶輦、十五人、是軍行必有輦、皆人輓以行也。